



**Sumáriu Kazu
Tribunál Distritál Oekusi
Jullu 2021**

Afirmasaun: Sumáriu Kazu tuirmai ne'e deskreve faktu sira no prosesu iha tribunál tuir JSMP nia monitorizasaun independente, no deklarasaun ne'ebé parte sira fó iha tribunál nia laran. Informasaun ne'e la representa JSMP nia hanoin hanesan instituisaun ida.

JSMP kondena maka'as forma violénsia hotu-hotu, liuliu hasoru fetu no ema vulneravel. JSMP afirma la iha justifikasaun ba kualkér violénsia hasoru fetu.

A. Sumáriu prosesu julgamentu kazu iha Tribunál Distritál Oekusi

1. Totál kazu ne'ebé JSMP monitoriza: 40

Artigu	Tipu kazu	Númeru
Artigu 145 Kódigu Penál (KP), konjuga ho artigu 2, 3, no 35(b) no 36 (LKVD)	Ofensa ba integridade física simples ho natureza violénsia doméstika no tipu ilísitu sira kona-ba violénsia doméstika.	6
Artigu 171 KP	Koasaun seksuál	2
Artigu 155 KP	Maus-tratus ba menór	1
Artigu 154 KP	Maus-tratus ba kónjuje	1
Artigu 177 no 176 KP	Abuzu seksuál ba menór no pornografia infantil	1
Artigu 316 KP	Kontrabandu	26
Artigu 263 KP	Inséndiu	1
Artigu 145 KP	Ofensa ba integridade física simples	2
Totál		40

2. Totál desizaun ne'ebé JSMP monitoriza : 37

Tipu desizaun	Artigu	Númeru
Suspensaun ba prizaun nia ezekusaun	Artigu 68 KP	33
Omologa pedidu dezisténsia keixa	-	2
Absolve		2
Totál		37

3. Totál kazu sira ne'ebé adia tuir JSMP monitorizasaun : 0

4. Total kazu sira ne'ebé kontinua prosesu tuir JSMP nia monitorizasaun : 3

B. Deskripsaun sumáriu julgamentu ba desizaun kazu sira

1. Krime kontrabandu

Nú. Prosesu : 0006/20.OESIC
Kompozisaun Tribunál : Koletivu
Juis : Dr. Evangelino Belo
: Dr. Hugo da Cruz Pui
: Dr. Yudi Pamukas
Prokuradór : Dr. Mateus Nesi
Defeza : Dr. Calisto Tout
Desizaun : Pena prizaun tinan 2 suspende ba tinan 2 fulan 6 ba kada arguidu

Iha 01 Jullu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve arguidu Andreas Mauno no Marcos Efi hasoru Estadu RDTL, iha Aldeia Naktuka, Suku Beneufe, Sub-distritu Nitibe, Distritu Oekusi.

Akuzasaun Prokuradór

Prokuradór akuza katak iha 24 Dezembru 2019, maizumenus iha oras tuku 12:42 meudia. Arguidu Andreas hola kilat ho marka "steven air rifle automatic ida" no arguidu Marcos hola kilat ho marka "aharp ace ida". Depoizde arguidu na'in rua hola tiha kilat manu rua ne'e iha Oepoli-Indonezia no transporta ilegal liuhusi fronteira Naktuka tama mai territoriu Timor-Leste no laliu husi Alfandega atu selu taxa ba Estadu RDTL. Kuandu arguidu sira lori kilat manu rua tama mai territoriu Timor-Leste liuhusi dalan ilegal no husi Unidade Polísia Fronteira (UPF) haree no halo kedas kapturasaun ba iha arguidu sira no prende hotu sasan ne'ebé arguidu lori tama mai.

Prokuradór akuza arguidu sira kontra artigu 316 KP kona-ba krime kontrabandu ho moldura penál tinan 2 to'o tinan 6 prizaun ka multa.

Produsaun ba prova sira

Iha julgamentu, arguidu sira konfesa faktu hotu iha akuzasaun no depoizde polisia UPF halo kapturasaun no arguidu sira arrepente ona ba sira nia hahalok no ate agora lahalo ona transaksaun ilegal. Arguidu sira hola kilat manu rua ne'e iha Oepoli no lori tama mai liuhusi dalan ilegal Naktuka. Iha fronteira naktuka iha imigrasi no alfandega maibé arguidu sira lori kilat liu fali dalan ilegal, foin primeiravés hatama sasan sira ne'e liuhusi dalan ilegal no mai hatan iha tribunál no promete sei la komete tan krime hanesan iha futuru.

Prokuradór husu atu presinde testemuña husi Unidade Polísia Fronteira (UPF) no husi parte defeza laiha opsaun seluk. Tanba ne'e tribunál presinde testemuña nia depoimentu husi prosesu refere tanba iha produsaun ba prova arguidu sira konfesa ona saida mak prokuradór akuza hasoru arguidu nain rua.

Alegasaun finál

Prokuradór konsidera arguidu sira ninia hahalok ne'e priense duni elementu husi krime kontrabandu, bazeia ba konfisaun arguidu sira nian, nune'e husu ba tribunál atu kondena arguidu sira tuir pena ne'ebé hakerek ona iha artigu 316 KP.

Enkuantu defeza intende katak iha produsaun ba prova arguidu sira rasik kolabora diak ho tribunál no konfesa faktu integralmente. Defeza reforsa liután katak depoisde akontesementu arguidu sira arrepende ona sira nia hahalok. Arguidu sira foin primeiravés hatama sasan liuhusi dalan ilegal no mai hatan iha tribunál no promete sei la komete tan krime hanesan iha futuro, nune'e husu ba tribunál atu kondena arguidu sira ho pena ne'ebé kmaan.

Desizaun

Depoisde avalia faktu hotu ne'ebé produs durante julgamentu tribunál prova katak arguidu arguidu Andreas hola kilat ho marka "steven air rifle automatic ida" no arguidu Marcos hola kilat ho marka "aharp ace ida" no transporta ilegal liuhusi Fronteira Naktuka tama mai territoriu Timor-Leste no laliu husi Alfandega atu selu taxa ba Estadu RDTL.

Bazeia ba faktu provadu hirak ne'e no tetu mós ho sirkunstánsia atenuante sira hanesan arguidu sira konfesa, arrepende sira nia hahalok no promete sei la komete tan krime hanesan iha iha futuro, nune'e tribunál konklui prosesu ne'e no kondena kada arguidu ho pena prizaun tinan rua suspende ba tinan rua fulan neen.

2. Krime kontrabandu

Nú. Prosesu	: 0104/20.OESIC
Kompozisaun Tribunál	: Koletivu
Juis	: Dr. Yudi Pamukas : Dr. Hugo da Cruz Pui : Dr. Evangelino Belo
Prokuradór	: Dr. Mateus Nesi
Defeza	: Dr. Marcelino Marques Coro
Desizaun	: Pena prizaun tinan 1 fulan ne'e suspende ba tinan 2 ba kada arguida

Iha 01 Jullu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve arguida Filomena Bobo no Sabina Bobo hasoru Estadu RDTL, iha Aldeia Usapikolen, Suku Bobometo, Sub-distritu Oesilo, Distritu Oekusi.

Akuzasaun Prokuradór

Prokuradór akuza katak iha 25 Juñu 2020, maizumenus iha oras tuku 02:50 madrugada. Arguida sira ida-idak transporta mina gazolina husi Indonezia tama mai territoriu Timor-Leste, laliu husi Alfandega hodi selu taxa ba Estadu RDTL. Arguida Filomena transporta mina gazolina litru 40 no arguida Sabina transporta gazolina litru 100. Kuandu arguida sira halo hela transaksaun ba sasan ilegal hirak ne'e no husi Unidade Polísia Fronteira (UPF) halo kedas kapturasaun ba iha arguida sira no prende

hotu sasan ne'ebé arguida sira lori tama mai no arguida sira mós laiha dokumentu autentíku ruma ba negosiu nian.

Prokuradór akuza arguida sira kontra artigu 316 KP kona-ba krime kontrabandu ho moldura penál tinan 2 to'o tinan 6 prizaun.

Produsaun ba prova sira

Iha julgamentu, arguida sira konfesa faktu hotu iha akuzasaun no hatene katak kuandu hatama sasan liuhusi dalan ilegal ne'e kontra lei, arguida sira hatutan liután katak arrepende sira nia hahalok no depoisde akontesimentu ne'e la hatama ona sasan liuhusi dalan ilegal no promete sei larepete hikas hahalok ne'e iha futuru. Arguida Filomena kaben na'in iha oan na'in rua, arguida Sabina mós kaben na'in iha oan na'in lima.

Prokuradór husu atu presinde testemuña husi Polísia UP no husi parte defeza laiha opsaun seluk. Tanba ne'e tribunál presinde testemuña nia depoimentu husi prosesu refere, tanba iha produsaun ba prova arguida sira konfesa integralmente.

Alegasaun finál

Prokuradór konsidera prova hirak ne'e konstitui duni ba elementu krime kontrabandu tanba arguida sira konfesa integralmente ba faktu hotu iha akuzasaun, nune'e prokuradór laiha duvida no husu ba tribunál atu aplika pena ne'ebé hakerek ona iha artigu 316 KP atu arguida sira lebele kontinua repete sira nia hahalok no ema seluk lebele halo tuir.

Enkuantu defeza intende katak iha produsaun ba prova arguida sira rasik kolabora di'ak ho tribunál no konfesa faktu integralmente. Defeza reforsa liután katak depoisde akontesimentu arguida sira arrepende sira nia hahalok no promete sei larepete hikas hahalok ne'e iha futuru, nune'e husu ba tribunál atu aplika pena ne'ebé justu ba arguida sira.

Desizaun

Depoisde avalia faktu hotu tribunál prova katak arguida sira ida-idak transporta mina gasolina husi Indonezia tama mai territoriu Timor-Leste, laliu husi Alfandega hodi selu taxa ba Estadu RDTL. Arguida Filomena transporta mina gasolina litru 40 no arguida Sabina transporta gasolina litru 100. Kuandu arguida sira halo hela transaksaun ba sasan ilegal hirak ne'e no husi Unidade Polísia Fronteira (UPF) halo kedas kapturasaun ba iha arguida sira no prende hotu sasan ne'ebé arguida sira lori tama mai no arguida sira mós laiha dokumentu autentíku ruma ba negosiu nian.

Bazeia ba faktu provadu hirak ne'e no tetu mós ho sirkunstánsia atenuante sira hanesan arguida sira arrepende sira nia hahalok no promete sei larepete hikas hahalok ne'e iha futuru, nune'e tribunál konklui prosesu ne'e no kondena arguida na'in rua ho pena prizaun tinan ida fulan neen suspende ba tinan rua ba kada arguida.

3. Krime maus-tratus ba kónjuje ho natureza violénsia doméstika

Nú. Prosesu : 0035/20.OESIC
Kompozisaun Tribunál : Kolektivu
Juis : Dr. Hugo da Cruz Pui
: Dr. Evangelino Belo
: Dr. Yudi Pamukas
Prokuradór : Dr. Pedro Baptista Aleixo dos Santos
Defeza : Dr. Marcelino Marques Coro
Desizaun : Pena prizaun tinan 2 fulan 6 suspende ba tinan 3

Iha 01 Jullu 2021, Tribunál Distritál Oekusi prezide julgamentu ba kazu krime maus-tratus ba kónjuje ho natureza violénsia doméstika ne'ebé envolve arguidu AFA hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 25 Feveireiru 2020, maizumenus iha oras tuku 22:00 kalan, arguidu basa dala ida iha lezada nia kanuruk no basa dala iha lezada nia hasan parte loos rezulta lezada sofre moras. Arguidu kontinua lori tali-kipas traktor nian baku dala barak iha lezada nia isin lolon rezulta lezada monu tun ba iha rai rezulta lezada sofre mean, bubu no moras iha lezada ninia isin lolon, la to'o iha ne'e de'it bainhira lezada monu hela iha rai arguidu kontinua kaer lezada nia fuuk rasta ba mai. Antes ne'e arguidu mós sempre baku lezada, maibé lezada rasik deside la hato'o keixa. Kazu ne'e akontese arguidu ho lezada diskute malu kona-ba arguidu husu osan ba lezada atu hola tabaco-joker maibé lezada la fó, ho nune'e mosu agresaun hirak ne'e. Kazu ne'e aneksa hamutuk ho relatóriu médiku husi Ospital Referál Oekusi no foto grafia husi polísia kona-ba rezultadu husi violénsia sira ne'e.

Prokuradór akuza arguidu kontra artigu 154 KP kona-ba krime maus-tratus ba kónjuje ho moldura penál tinan 2 to'o tinan 6 prizaun konjuga ho artigu 2, 3(a), 35(a) no artigu 36 LKVD.

Produsaun ba prova sira

Iha prosesu julgamentu, arguidu konfesa parsialmente katak arguidu lori liman loos basa lezada dala rua, ida kona iha kanuruk no ida seluk kona iha hasan parte loos. arguidu kontinua lori tali-kipas traktor nian baku dala barak iha lezada nia isin lolon ate lezada monu tun ba iha rai. Maibé lalos lezada monu ona iha rai no arguidu kontinua kaer lezada nia fuk rasta lezada ba iha rai no antes ne'e arguidu nunka baku bebeik lezada. Arguidu konfirma katak aktu ne'e akontese kaundu arguidu husu osan ba lezada atu hola tabaco-joker maibé lezada rezeita lakoi fó. Depoizde akontese lezada sai husi uma ate agora lezada lafila ona no agora sira moris keta-ketak no arguidu sei hadomi lezada no nunka buka tuir lezada atu lori fila moris hamutuk ho arguidu. Arguidu ho lezada hola malu iha 2005 ate agora sira iha ona oan na'in tolu na'in rua hela ho arguidu no na'in ida hela ho lezada. Arguidu iha ona planu atu hola fetu rua, arguidu

servisu hanesan natar na'in laiha rendimentu fixu kada fulan no foin primeiraves mai iha tribunál.

Entretantu lezada kontinua konfirma katak Olivia/1984. Aktu ne'e mosu tanba arguidu husu osan atu hola sigaru ho pulsa no kuandu lezada hatan arguidu dehan osan laiha no arguidu direktamente basa dala ida iha kanuruk no dala ida iha hasan loos, lori tali kipas traktor nian baku dalabarak iha kotuk laran no iha kelen no liman. Depois kuandu lezada kaer metin tali traktor ne'ebé arguidu baku uza no arguidu kontinua rasta lezada ho rai. Baku dalabarak mak monu iha rai hafoin kaer lezada iha fuuk rasta tun ba rai. Akontese primeiru iha tinan 2018 no segundu iha tinan 2020. Lezada sai husi sira nia uma durante tinan ida fulan haat ona no agora lezada ba hela hamutuk ho nia inanan/aman. Antes ne'e arguidu tau veneno iha lezada nia bee manas maibé lakonge tanba lezada hetan salvasaun husi Tia ida ne'ebé fo aimoruk ba lezada hemu no salvasan fali. Lezada deklara katak lakoi fila moris hamutuk ho arguidu no sei arguidu hakarak moris hamutuk ho nia feen kiik no lezada aseita naran katak sira nia oan na'in tolu bele hamutuk ho lezada.

Alegasaun finál

Prokuradór intende katak deklarsaun lezada no pozisaun arguidu ne'e konfirma duni faktu sira iha akuzasaun. Iha tribunál nia oin no arguidu deklara katak hakarak moris hamutuk fali ho lezada maibé arguidu tenke moris hamutuk mos ho nia feen kiik. Prokuradór mós hanoin katak aktu arguidu ne'e planeadu ona antes tanba arguidu iha duni intensaun atu hola tan feen kiik maibé tenke moris hamutuk iha uma ida ate halo lezada sente lakonfortavel ho arguidu ninia hahalok ne'e. Tanba ne'e, prokuradór husu tribunál atu aplika pena prizaun tinan 3 maibé suspende ba tinan 3.

Enkuantu defeza haktuir katak arguidu konfesa parsialmente ba faktu sira iha akuzasaun no depoisde akontesementu arguidu arrepende ona ba nia hahalok, sedauk diak malu tanba arguidu ho lezada hela keta-ketak, arguidu servisu hanesan natar na'in laiha rendimentu fixu kada fulan, iha oan na'in tolu, foin primeiraves halo krime mai hatan iha tribunál no promete sei larepete hikas ninia hahalok ne'e hasoru lezada ka ema seluk no arguidu mak iha responsabilidade ba ninia familia. Nune'e defeza Solisita ba tribunál atu aplka pena ne'ebe kmaan ba arguidu tuir ninia sala.

Desizaun

Tribunál konsidera faktu sira ne'ebe loos mak iha 25 Fevereiru 2020, maizumenus iha oras tuku 22:00 kalan. Arguidu lori liman loos basa lezada dala rua, ida kona iha kanuruk no ida seluk kona iha hasan parte loos. Arguidu kontinua lori tali-kipas traktor nian baku dala barak iha lezada nia isin lolon ate lezada monu tun ba iha rai. Wainhira lezada monu ona no arguidu kontinua kaer lezada nia fuk rasta ba iha rai no antes ne'e arguidu baku bebeik ona lezada maibé lezada rasik deside lakeixa. Tribunál prova liu tan katak arguidu nia hahalok ne'e konsidera hanesan dolu direitu no arguidu mos halo agresaun dala barak hasoru lezada.

Tanba ne'e, tribunál bazeia ba faktu provadu hirak ne'e hotu no sirkunstansia sira ne'ebé haleu ona iha krime ne'e. Tuir mai tribunál konklui prosesu ne'e no kondena

arguidu ho pena prizaun tinan rua fulan neen maibé suspende nia ezekusaun ba periodu durante tinan tolu.

4. Krime kontrabandu

Nú. Prosesu : 0004/20.OESIC
Kompozisaun Tribunál : Koletivu
Juis : Dr. Hugo da Cruz Pui
: Dr. Evangelino Belo
: Dr. Yudi Pamukas
Prokuradór : Dr. Mateus Nesi
Defeza : Dr. Calisto Tout
Desizaun : Pena prizaun tinan 2 suspende ba tinan 2

Iha 01 Jullu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve husi arguidu Joaquim Obe hasoru Estadu RDTL, iha Aldeia Saben, Suku Bobometo, Sub-distritu Oesilo, Distritu Oekusi.

Akuzasaun Prokuradór

Prokuradór akuza katak iha 02 Janeiro 2020, maizumenus iha oras tuku 17:46 lokraik. Arguidu hatama motorizada ida ho marka honda revo absolute husi Indonesia no transporta ilegalmente liuhusi fronteira Nun-ana tama mai territoriu Timor-Leste no laliu husi Alfandega atu selu taxa ba Estadu RDTL. Kuandu arguidu halo hela trasaksaun ba motorizada refere tama mai territoriu Timor-Leste liuhusi dalan ilegal no husi unidade polisia fronteira (UPF) haree no halo kedas kapturasaun ba iha arguidu no prende motorizada refere ne'ebé arguidu lori tama mai Timor-Leste.

Prokuradór akuza arguidu kontra artigu 316 KP kona-ba krime kontrabandu ho moldura penál tinan 2 to'o tinan 6 prizaun.

Produsaun ba prova sira

Iha julgamentu, arguidu konfesa faktu hotu iha akuzasaun integralmente no depoisde polisia UPF halo kapturasaun no arguidu arrepende ona ba nia hahalok no ate agora lahalo ona transaksaun ilegal. Arguidu hola motorizada ne'e husi nia maluk ida iha Indonesia-Kefa no lori tama mai liuhusi dalan ilegal Nun-ana. Iha fronteira Oesilo iha imigrasi no alfandega maibé arguidu liu fali dalan ilegal, foin primeiraves hatama motorizada liuhusi dalan ilegal no mai hatan iha tribunál, ba oin arguidu sei lahalo ona. Arguidu iha oan na'in lima no servisu hanesan to'os na'in laiha rendimentu fixu kada fulan

Prokuradór husu atu presinde testamuña husi unidade polisia fronteira (UPF) no husi parte defeza laiha opsaun seluk. Tanba ne'e tribunál preside testamuña nia depoimentu husi prosesu refere tanba iha produsaun ba prova arguidu konfesa integralmente.

Alegasaun finál

Prokuradór konfronta faktu sira ne'ebé hakerek ona iha akuzasaun no iha produsaun ba prova hatudu katak arguidu nia hahalok ne'e prenze duni elementu krime kontrabandu tanba arguidu rasik konfesa saida mak hakerek ona iha akuzasaun. Tanba ne'e, prokuradór husu ba tribunál atu aplika pena ne'ebé hakerek ona iha artigu 316 KP.

Enkuantu defeza intende katak iha produsaun ba prova arguidu rasik kolabora diak ho tribunál no konfesa faktu integralmente tuir saida mak hakerek oa iha akuzasaun. Defeza reforsa liu tan katak depoisde akontesementu arguidu arrepende ona ba nia hahalok. Arguidu foin primeiraves hatama sasan hanesan motorizada ne'e liuhusi dalan ilegal no mai hatan iha tribunál, ba oin arguidu sei lahalo ona no arguidu iha oan na'in lima no arguidu mak iha responsabilidade ba iha ninia familia, arguidu servisu hanesan to'os na'in laiha rendimentu fixu kada fulan. Tanba ne'e defeza husu ba tribunál atu aplika pena ne'ebé adekua ba arguidu naran katak labele ba lai iha prizaun.

Desizaun

Tribunál prova katak arguidu hatama duni motorizada ida ho marka honda reva absolute husi Indonesia no transporta ilegalmente liuhusi fronteira Nun-ana tama mai territoriu Timor-Leste no laliu husi Alfandega atu selu taxa ba Estadu RDTL.

Bazeia ba faktu provadu ne'e no tetu mos ba sirkunstansia agravante hanesan ema barak mak halo ona transaksaun ilegal no fo prejuiju ba estadu liuhusi Alfandega lahetan reseitas doméstika inklui mos sirkunstansia atenuantes hanesan iha produsaun a prova arguidu konfesa, arrepende ona ba nia hahalok, promete sei larepete hikas ninia hahalok, servisu toos laiha rendimentu no iha oan na'in lima. Nune'e tribunál konklui prosesu ne'e no kondena arguidu ho pena prizaun tinan rua maibé suspende ba tinan rua.

5. Krime ofensa ba integridade fízika simples

Nú. Prosesu	: 0019/21.OEPMK
Kompozisaun Tribunál	: Singulár
Juis	: Dr. Hugo da Cruz Pui
Prokuradór	: Dr. Pedro Baptista Aleixo dos Santos
Defeza	: Sr. Paulo Nunes (Pessoa Indonia)
Desizaun	: Omologa pedidu dezisténsia keixa

Iha 02 Jullu 2021, Tribunál Distritál Oekusi prezide julgamentu tentativa konsiliaisaun ba kazu krime ofensa ba integridade fízika simples ne'ebé envolve arguidu Jeremias Nono hasoru lezada Linda Bobo Ximenes Martins (nu'udar arguidu nia Tia), iha Aldeia Nefobai, Suku Lifau, Sub-distritu Pante-Makasar Distritu Oekusi.

Akuzasaun Prokuradór

Prokuradór akuza katak iha 11 Marsu 2021, iha oras tuku 09:00 dadeer, arguidu tuku dala rua iha lezada nia hasan parte loos kauza metan, bubu no moras. Arguidu kontinua rakut lezada nia fuuk no rasta lezada ba rai rezulta lezada ain naksala no sofre moras. Aktu ne'e akontese kuandu lezada istoria malu ho arguidu ninia inan. Kazu ne'e

aneksa hamutuk ho relatóriu médiku husi Ospital Referál Oekusi no fotografia sira mai husi polísia.

Prokuradór akuza arguidu kontra artigu 145 KP kona-ba krime ofensa ba integridade fízika simples ho moldura penál to'o tinan 3 ka multa.

Produsaun ba prova sira

Bazeia ba artigu 262 Kódigu Prosesu Penál (KPP) kona-ba tentativa ba konsiliaun, nune'e antes tama ba julgamentu produsaun ba prova, juis husu atu halo tentativa konsiliaun ba arguidu ho lezada.

Iha prosesu konsiliaun ne'e, lezada hakarak dame malu ho arguidu ho kondisaun katak arguidu labale repete hikak nia hahalok ne'e hasoru lezada iha futuru, tanba lezada hanesan fetu faluk. Alende ne'e, arguidu mós konkorda ho pedidu lezada nian no deklarata katak arrepende ona ninia hahalok no promete sei la repete tan hahalok hanesan iha futuru, nune'e lezada husu ba tribunál atu deziste tiha ninia-keixa hasoru arguidu perante iha tribunál nia oin.

Alegasaun finál

Prokuradór no defeza apresia akordu dame ne'ebé parte rua deside ona no husu ba tribunál atu omologa prosesu ne'e.

Desizaun

Bazeia ba akordu dame husi parte rua no pedidu dezisténsia husi lezada. Nune'e tribunál konklui prosesu ne'e no omologa pedidu dezisténsia keixa ba prosesu refere.

6. Krime kontrabandu

Nú. Prosesu	: 0046/19.OESIC
Kompozisaun Tribunál	: Koletivu
Juis	: Dr. Hugo da Cruz Pui : Dr. Evangelino Belo : Dr. Yudi Pamukas
Prokuradór	: Dr. Mateus Nesi
Defeza	: Dr. Marcelino Marques Coro
Desizaun no arguida	: Pena prizaun tinan 2 suspende ba tinan 2 ba kada arguidu

Iha 02 Jullu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve arguidu Maria Saco, Jose Caet, Domingos Bobo no Ermindo Caet hasoru Estadu RDTL, iha Aldeia Saben, Suku Bobometo, Sub-distritu Oesilo, Distritu Oekusi.

Akuzasaun Prokuradór

Prokuradór akuza katak iha 28 Marsu 2019, maizumenus iha oras tuku 10:00 dadeer, arguida no arguidu sira hamutuk hatama mina gazolina litru 600 husi Indonezia tama mai territoriu Timor-Leste. Kuandu arguidu no arguida halo hela transaksaun ilegal hirak

ne'e Polísia Fronteira (UPF) haree no halo kedas kapturasaun ba iha arguidu no arguida sira no prende hotu sasan ne'ebé lori tama mai.

Prokuradór akuza arguidu no arguida sira kontra artigu 316 KP kona-ba krime kontrabandu ho moldura penál tinan 2 to'o tinan 6 prizaun.

Produsaun ba prova sira

Iha julgamentu, arguida no arguidu sira konfesa faktu hotu iha akuzasaun no depoisde polisia UPF halo kapturasaun ba sira, arrepende sira nia hahalok no ate agora lahalo ona transaksaun ilegal. Ermindo oan na'in rua no servbisu hanesan motirista ho rendiementu kada fulan US\$100.00 no foin mai hatan iha tribunál. Maria kaben na'in oan na'in haat no serbisu hanesan dona de casa laiha rendiementu fixu kada fulan no foin mai hatan iha tribunál. Jose oan na'in ida no serbisu hanesan to'os nain, laiha rendiementu fixu kada fulan no foin mai hatan iha tribunál. Domingos oan na'in rua no servisu hanesan to'os nain, laiha rendiementu fixu kada fulan no foin mai hatan iha tribunál.

Prokuradór husu atu presinde testemuña husi Unidade polísia Fronteira (UPF) no husi parte defeza laiha opsaun seluk. Tanba ne'e tribunál presinde testemuña nia depoimentu husi prosesu refere tanba iha produsaun ba prova arguidu no arguida sira konfesa integralmente.

Alegasaun finál

Prokuradór konsidera arguidu no arguida sira nia hahalok ne'e preense duni elementu krime kontrabandu tanba iha produsaun ba prova arguidu sira konfesa faktu integralmente, nune'e prokuradór husu ba tribunál atu aplika pena ne'ebé hakerek ona iha artigu 316 KP.

Enkuantu defeza intende katak iha produsaun ba prova arguidu no arguida sira rasik kolabora diak ho tribunál no konfesa faktu integralmente. Defeza reforsa liu tan katak depoisde akontesementu arguidu no arguida sira arrepende ona ba sira nia hahalok, hot-hotu foin primeiraves hatama sasan mina ilegal ne'e liuhusi dalan ilegal no mai hatan iha tribunál, ba oin arguidu no arguida sira sei lahalo ona. Ermindo oan na'in rua no servisu hanesan motirista ho rendiementu kada fulan US\$100.00 no foin mai hatan iha tribunál. Maria kaben na'in oan na'in haat no servisu hanesan dona de casa laiha rendiementu fixu kada fulan no foin mai hatan iha tribunál. Jose oan na'in ida no servisu hanesan to'os laiha rendiementu fixu kada fulan no foin mai hatan iha tribunál. Domingos oan na'in rua no servisu hanesan to'os laiha rendiementu fixu kada fulan no foin mai hatan iha tribunál. Tanba ne'e defeza husu ba tribunál atu aplika pena ne'ebé kmaan ho justu ba kada arguidu no arguida.

Desizaun

Tribunál prova katak arguidu no arguida sira hamutuk duni halo transaksaun ilegal ne'e iha linha fronteira hodi hatama mina gazolina litru 600 husi Indonesia tama mai territoriu Timor-Leste. Tribunál prova katak krime kontrabandu ne'e barak liu ema sira ne'ebé hela besik iha fronteira tanba fasil atu halo transaksaun ilegal kuandu polisia UPF iha

fronteira lahalo kontrola rutina kada oras kestaun mós numeru UPF iha fronteira mos karik sei limitadu.

Bazeia ba faktu hirak ne'e hotu no tetu mós ba sirkunstansia sira ne'ebé haleu ona iha krime ne'e. Tribunál konklui prosesu ne'e no kondena arguidu no arguida sira ho pena prizaun tinan rua suspende ba tinan rua ba kada arguidu no arguida.

7. Krime kontrabandu

Nú. Prosesu	: 0060/16.OESIC
Kompozisaun Tribunál	: Koletivu
Juis	: Dr. Evangelino Belo
	: Dr. Hugo da Cruz Pui
	: Dr. Yudi Pamukas
Prokuradór	: Dr. Mateus Nesi
Defeza	: Dr. Calisto Tout
Desizaun	: Absolve

Iha 02 Jullu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve husi arguida Berta Caet hasoru Estadu RDTL, iha Aldeia Saben, Suku Bobometo, Sub-distritu Oesilo, Distritu Oekusi.

Akuzasaun Prokuradór

Prokuradór akuza katak iha 24 Marsu 2016, maizumenus iha oras tuku 14:30 meuidia. Arguida transporta sasan hanesan mina gazolina litru 250 no mina gazoel litru 40 liuhusi Poto-Saben. Arguida nia hahalok ne'e hamosu prezuiju ba Estadu RDTL lahetan reseitas doméstika tanba arguida laliu husi dalan legal atu selu taxa ba iha diresaun Alfandega. Kuandu arguida halo hela transaksaun ilegal ne'e no husi Unidade Polísia Fronteira (UPF) haree no halo kedas kapturasaun ba iha arguida no prende hotu sasan ne'ebé lori tama mai Timor-Leste.

Prokuradór akuza arguida kontra artigu 316 KP kona-ba krime kontrabandu ho moldura penál tinan 2 to'o tinan 6 prizaun.

Produsaun ba prova sira

Iha julgamentu, arguida nega hotu faktu sira iha akuzasaun katak faktu sira ne'e laloos hotu tanba iha loron ne'e arguida lahatama sasan hanesan mina gazolina no gazoel. Arguida deklarara tan katak antes ne'e hatama ona mina mai ona iha tribunál maibé depoisde desizaun tribunál hatun fo kastigu suspensaun no hahu husi ne'eba arguida lahalo ona ka hatama ona sasan ilegal iha fronteira. Arguida iha oan na'in lima hela uma rasik, negociante ki'ik ho rendiemntu kada fulan US\$20.00.

Alegasaun finál

Prokuradór intende katak aktu krime ne'e akontese duni maibé ba tempu sa loron no tinan kleur ona no arguida mos bele haluhan. Prokuradór iha nia alegasaun katak iha tinan 2018 mak Prokuradór Jeral Republika hasai depaixu ida atu kuandu sasan hanesan mina no bele selu deit iha MP hafoin devolve hikas sasan ilegal refere ba

sidadaun sira. Tanba ne'e prokurador intende katak hahalok arguida prene duni elementu krime kontrabandu mesmu iha produsaun ba prova arguida tenta atu desvia-an husi ninia hahalok refere. Tan ne'e, prokurador husu ba tribunál atu aplika pena ne'ebe hakerek ona iha artigu 316 KP

Enkuantu defeza intende katak iha produsaun ba prova arguida nega faktu hotu iha akuzasaun no parase arguida haluha tanba tinan neen ona mak foin halo julgamentu. Defeza salienta liu tan katak ba krime kontrabandu ne'e barak liu akontese iha fronteira no bele mosu lapsu ruma tanba arguida ida bele fó fali naran seluk nian laos ninia naran rasik. Arguida iha oan na'in lima no servisu hanesan negosiante kiik ho rendimentu kada fulan US\$20.00. Tanba ne'e defeza husu atu absolve arguida maibé karik tribunál iha provas seluk ne'ebé indika duni arguida halo krime no bele fó justisa ne'ebé justu.

Desizaun

Tribunál laprova no iha duvida katak iha 24 Marsu 2016, maizumenus iha oras tuku 14:30 meudia no arguida la transporta sasan hanesan mina gazolina litru 250 no mina gazoel litru 40 liuhusi Poto-Saben tanba altura ne'e arguida laba iha fronteira no lahatama mina tanba antes ne'e hatama duni mina no mai ona iha tribunál kondena ho pena suspensaun. Tribunál duvida ho faktu sira ne'ebé hakerek ona iha akuzasaun ne'e bele laloos tanba altura ne'eba arguida laba fronteira no lahatene ema ruma mak kaer nia ho sasan sira no iha prosesu ne'e mós laiha testemuña ida atu konfirma faktu sira iha akuzasaun.

Bazeia ba faktu la provadu hirak ne'e tribunál konklui prosesu ne'e no absolve arguida husi aktu krime ne'e tanba tribunál mós duvida ho faktu sira ne'ebé iha akuzasaun no laiha testemuña ida mak mai prova katak arguida hatama duni mina ilegalmente.

8. Krime kontrabandu

Nú. Prosesu	: 0023/20.PDOEC
Kompozisaun Tribunál	: Koletivu
Juis	: Dr. Evangelino Belo : Dr. Hugo da Cruz Pui : Dr. Yudi Pamukas
Prokurador	: Dr. Pedro Baptista Aleixo dos Santos
Defeza	: Dr. Marcelino Marques Coro
Desizaun	: Pena prizaun tinan 2 suspende ba tinan 2

Iha 02 Jullu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve husi arguida Hermina Neno hasoru Estadu RDTL, iha Aldeia Saben, Suku Bobometo, Sub-distritu Oesilo, Distritu Oekusi.

Akuzasaun Prokurador

Prokurador akuza katak iha 22 Novembru 2019, maizumenus iha oras tuku 18:00 lokraik. Arguida hola adubu (pupuk-urena) saku ida iha Kefa-Indonezia transporta liuhusi fronteira Poto-Saben laliu husi dalan legal. Nune'e arguida nia hahalok ne'e

hamosu prezuiju ba Estadu RDTL lahetan reseitas doméstika tanba arguida laselu taxa ba Alfandega.

Prokuradór akuza arguida kontra artigu 316 KP kona-ba krime kontrabandu ho moldura penál tinan 2 to'o tinan 6 prizaun.

Produsaun ba prova sira

Iha julgamentu, arguida konfesa faktu hotu iha akuzasaun no hola pupuk husi indonesia saku ida deit 50 kg no hola duni iha tinan 2019. Arguida intensaun hola adubu ne'e atu tau ba iha ninia natar maibé komu be'e latoo maran tiha mak arguida deside atu faan fali pupuk refere. depoisde akontesementu arguida selu ona taxa liuhusi konta bankaria ministeriu publiku, arguida promete katak ba oin sei lahalo ona, arguida iha oan na'in haat no servisu hanesan dona casa ho rendimentu kada fulan lafixu no arguida foin primeiraves halo krime mai hatan iha tribunál.

Tribunál julga presinde ba testamuna nia depoimentu bazeia ba pedidu husi prokuradór no defeza tanba iha produsaun ba prova arguidu konfesa faktu integralmente.

Alegasaun finál

Prokuradór intende katak hahalok arguida prenze duni elementu krime kontrabandu tanba iha produsaun a prova arguida rasik konfesa faktu integralmente. Tanba ne'e, prokuradór husu ba tribunál atu aplika pena prizaun tinan 2 maibé suspende ba tinan 2 bazeia ba artigu 316 KP.

Enkuantu defeza husu pena ne'ebe justu tuir arguida nia sala ho konsiderasaun katak iha produsaun ba prova arguida konfesa faktu hotu iha akuzasaun, arrepende ona ba nia hahalok, depoisde akontesementu arguida selu ona taxa liuhusi konta bankaria ministeriu publiku, arguida promete katak ba oin sei lahalo ona, arguida iha oan na'in haat no servisu hanesan dona casa ho rendimentu kada fulan lafixu no arguida foin primeiraves halo krime mai hatan iha tribunál.

Desizaun

Tribunál prova katak iha 22 Novembru 2019, maizumenus iha oras tuku 18:00 lokraik. Arguida hola adubu (pupuk-urena) saku ida iha Kefa-Indonesia transporta liuhusi fronteira poto-saben laliu husi dalan legal direisaun Alfandega atu seluk. Tribunál prova liu tan katak arguida nia hahalok ne'e hamosu prezuiju ba Estadu RDTL lahetan reseitas doméstika tanba arguida laselu taxa ba alfandega.

Bazeia ba faktu provadu sira ne'e no sirkunstansia agravantes no atenuantes ne'ebé haleu ona iha krime ne'e. Tribunál konklui prosesu ne'e no kondena arguidu ho pena prizaun tinan rua maibé tribunál suspende nia ezekusaun ba periodu durante tinan rua.

9. Krime ofensa ba integridade física simples ho natureza violénsia doméstika

Nú. Prosesu : 0014/21.OESIC
Kompozisaun Tribunál : Singulár
Juis : Dr. Hugo da Cruz Pui

Prokuradór : Dr. Pedro Baptista Aleixo dos Santos
Defeza : Dr. Marcelino Marques Coro
Desizaun : Pena prizaun tinan 1 fulan 3 suspende ba tinan 2

Iha 02 Jullu 2021, Tribunál Distritál Oekusi prezide leitura sentensa ba kazu krime ofensa ba integridade fízika simples ho natureza violénsia doméstika ne'ebé envolve husi arguidu ALN hasoru nia oan MPN ho nia feen APE, iha Distritu Oekusi.

Akuzasaun Prokuradór

Prokuradór akuza katak iha 15 Fevereiru 2021, maizumenus iha oras tuku 17:00 lokraik, lezadu MPN han hela hela sun (cereal) mak arguidu hirus basa dala ida ihaibun kauza kanek, ran sai no moras. Hafoin lezada APE sai husi dapur laran tenta atu hapara arguidu nia agresaun ne'e hasoru sira nia oan, maibé arguidu kontinua hirus no tuku tan dala ida iha lezada APE nia kotuk laran rezulta lezada sofre moras. Kazu ne'e aneksa hamutuk ho relatóriu médiku husi Sentru Saude Baqui no fotografia husi polísia.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa parsialmente katak atguidu kaer iha lezadu MPN nia liman rasta basa duni ihaibun, depoisde arguidu nia feen mai atu salva nia oan lori ba fali nia família mak arguidu dudu deit ninia feen no latuku. Antes ne'e laiha problema no hola malu iha 2013 no seidauk kaben iha igreja no depoisde akontesementu ne'e sira diak malu kedas no husu deskulpa ba nia oan no ba nia feen hafoin arguidu arrepende ona ba nia hahalok. Serbisu hanesan funsionariu iha edukasaun ho rendimentu kada fulan US\$272.00, foin primeiravés mai hatan tribunál.

Entretantu lezada APE deklara katak arguidu tuku dala ida iha lezada nia kotuk laran no laos dudu tanba lezada ba ho intensaun atu hadau tiha lezadu MPN no arguidu mak lori lezadu MPN halo tratamentu iha klinika Bagui.

Entretantu lezadu MPN ne'ebé reprezenta husi ninia inan lezada APE deklara katak konfirma faktu sira ne'ebé hakerek ona iha akuzasaun no lezada no lezadu sira ho arguidu dame malu ona no kontinua moris hamutuk nafatin iha uma ida.

Alegasaun finál

Prokuradór haktuir katak mezmu iha produsaun ba prova arguidu tenta atu hasees aan husi aktu ne'ebé halo ona hasoru lezadu no lezada sira maibé prokuradór intende katak antes ne'e arguidu ordena ona atu ko'alia tuir deit saida mak arguidu ko'alia ona. Tanba ne'e, prokuradór laiha duvida ho aktu ne'ebé hakerek ona iha akuzasaun ne'ebé konfirmadu mós ho relatóriu médiku no fotografia. Nune'e husu ba tribunál atu aplika pena prizaun tinan 2 hasoru nia oan no ba nia feen tinan 1. Tan ne'e husu atu aplika pena unika prizaun tinan 2 suspende ba tinan 2.

Entretantu defeza intende katak arguidu laiha intensaun atu hakanek lezada tuir faktu sira iha akuzasaun maibé hanesan iha produsaun ba prova katak arguidu dada de'it mak kala rezulta lezadu niaibun hetan kanek no tuku deit dala ida iha lezada nia kotuk laran kuadu lezada halai ba atu salva tiha ninia oan. Depoisde akontesementu arguidu arrepende ona ba nia hahalok, diak malu ona, servisu hanesan funsionariu iha edukasaun ho rendimentu kada fulan US\$272.00, foin primeiravés mai hatan iha tribunál no arguidu mak iha responsabilidade maximu ba iha ninia família. Tanba ne'e husu ba tribunál atu aplika pena ne'ebé adekuadu ba arguidu.

Desizaun

Tribunál prova katak iha 15 Feveiru 2021, maizumenus iha oras tuku 17:00 lokraik no kuandu lezadu MPN han hela sun (cereal) mak arguidu hirus basa duni dala ida ihaibun kauza kanek, ran sai no moras. Tribunál prova liu tan katak kuandu lezada APE sai husi dapur laran tenta atu hapara tiha aktu arguidu nian hasoru sira nia oan maibé arguidu lasatisfas no kontinua tuku tan dala ida iha lezada APE nia kotuk laran, rezulta lezada sofre moras mesmu iha produsaun ba prova arguidu deklarata katak dudu de'it iha kotuk laran.

Bazeia ba faktu provadu sira ne'e hotu no tribunál tetu mós sirkunstánsia agravantes no atenuantes hirak ne'e hotu. Tribunál konklui prosesu ne'e no kondena arguidu ho pena prizaun tinan ida fulan tolu suspende ba tinan rua.

10. Krime kontrabandu

Nú. Prosesu	: 0070/19.OESIC
Kompozisaun Tribunál	: Koletivu
Juis	: Dr. Evangelino Belo : Dr. Hugo da Cruz Pui : Dr. Yudi Pamukas
Prokuradór	: Dr. Pedro Baptista Aleixo dos Santos
Defeza	: Dr. Marcelino Marques Coro
Desizaun	: Pena prizaun tinan rua suspende ba tinan rua fulan 6 ba kada arguidu/a

Iha 02 Jullu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve arguida Lucia Ola, Maria de Fatima Siqui, Sabina Bobo no arguidu Bonifasio Bobo hasoru Estadu RDTL, iha Aldeia Saben, Suku Bobometo, Sub-distritu Oesilo, Distritu Oekusi.

Akuzasaun Prokuradór

Prokuradór akuza katak iha 24 Abril 2019, maizumenus iha oras tuku 16:00 lokraik. Arguidu no arguida sira hamutuk importa kombustivel husi Indonezia tama territoriu Timor-Leste, ilegalmente tanba laliu husi Alfandega hodi selu taxa ba Estadu RDTL. Sasan ilegal sira mak hanesan; mina gazolina litru 1030 ho adubu ka pupuk Urea saka haat no mina rai litru 100.

Prokuradór akuza arguida no arguidu sira kontra artigu 316 KP kona-ba krime kontrabandu ho moldura penál tinan 2 to'o tinan 6 prizaun.

Produsaun ba prova sira

Iha julgamentu, arguidu no arguida sira konfesa faktu hotu iha akuzasaun prokuradór nian no deklara katak arrepende ona ba sira ninia hahalok. Arguidu no arguida sira hatama sasan hirak ne'e liuhuisi kotuk ho intensaun atu labele selu taxa ba Estadu RDTL liuhusi diresaun Alfandega, arguida Lucia hatama sasan dala rua, kaben na'in iha oan haat. Maria kaben na'in oan na'n no foin primeiravez mai iha tribunál, Bonifasio antes ne'e mai ona iha tribunál ba krime hanesan no kaben na'in no iha oan na'in hitu no Sabina kaben na'in oan na'in rua no foin primeiraves mai hatan iha tribunál.

Bazeia ba pedidu husi prokuradór no defeza, tribunál presinde depoimentu husi testemuña husi Unidade Polísia Fronteira (UPF) tanba arguida no arguidu sira konfesa hotu ba sira ninia hahalok.

Alegasaun finál

Prokuradór konsidera arguidu no arguida sira nia hahalok ne'e prenze duni elementu krime kontrabandu tuir faktu sira ne'ebé hakerek ona iha akuzasaun prokuradór nian. Tanba ne'e prokuradór neim duvida ba faktu sira ne'ebé imputa ona hasoru arguidu no arguida sira iha akuzasaun, nune'e prokuradór husu ba tribunál atu aplika pena prizaun tinan rua suspende ba tinan rua ba kada arguidu no arguida.

Entretantu defeza iha nia alegasaun hateten katak arguidu no arguida sira iha kolaborasaun diak ho tribunál hodi konfesa ona faktu sira hotu iha akuzasaun, arrepende ona ba sira ninia hahalok no promete katak sei larepete hikas hahalok ne'e iha futuru. Arguida Lucia hatama sasan dala rua, kaben na'in iha oan haat. Maria kaben na'in oan na'n no foin primeiravez mai iha tribunál, Bonifasio antes ne'e mai ona iha tribunál ba krime hanesan no kaben na'in no iha oan na'in hitu no Sabina kaben na'in oan na'in rua no foin primeiraves mai hatan iha tribunál. Nune'e defeza husu atu fo kastigu ne'ebé kmaan ba arguidu no arguida sira.

Desizaun

Tribunál prova katak arguidu no arguida sira nia hahalok ne'e prenze duni elementu krime kontrabandu tanba iha 24 Abril 2019, maizumenus iha oras tuku 16:00 lokraik. arguidu no arguida sira hamutuk importa kombustivel mina gazolina litru 1030 ho adubu ka pupuk Urea saka haat no mina rai litru 100 husi Indonesia tama territoriu Timor-Leste, ilegalmente laliu husi Alfandega hodi selu taxa ba Estadu RDTL.

Tanba ne'e, tribunál bazeia ba faktu hirak ne'e hotu no tetu mos ba sirkunstansia sira ne'ebé haleu ona iha krime ne'e. Nune'e tribunál konklui prosesu ne'e no kondena arguidu no arguida sira ho pena prizaun tinan rua suspende ba tinan rua fulan neen.

11. Krime kontrabandu

Nú. Prosesu : 0072/18.OESIC

Kompozisaun Tribunál : Koletivu
Juis : Dr. Evangelino Belo
: Dr. Hugo da Cruz Pui
: Dr. Yudi Pamukas
Prokuradór : Dr. Mateus Nesi
Defeza : Dr. Calisto Tout
Desizaun : Pena prizaun tinan 2 suspende ba tinan 2

Iha 02 Julu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve husi arguida Rosa Lafu hasoru Estadu RDTL, iha Aldeia Malelat, Suku Malelat, Sub-distritu Pasabe, Distritu Oekusi.

Akuzasaun Prokuradór

Prokuradór akuza arguida katak iha 03 Maiu 2018, iha oras tuku 12:00 meiodia, arguida halo importasaun ilegál husi Indonezia mai Timor-Leste. Arguida importa tua habok whisky kaixa 70 no kada kaixa grafas 12 ho total garafas 840. Arguida nia hahalok ne'e fó prejuizu ba Estadu RDTL tanba arguida la selu taxa ba Estadu liuhusi diresaun Alfandega.

Prokuradór akuza arguida kontra artigu 316 KP kona-ba kontrabandu ho moldura penál tinan 2 to'o tinan 6 prizaun.

Produsaun ba prova sira

Iha prosesu julgamentu, arguida konfesa faktu hotu iha akuzasaun prokuradór nian no deklarata katak arrepende ninia hahalok ne'e. Arguida mós deklarata katak depoisde akontesimentu ne'e arguida selu ona taxa ba Estadu liuhusi konta bankária Ministériu Públiku nian no tua whisky habok hirak ne'e arguida foti ona. Arguida mós promete sei la repete ninia hahalok ne'e iha futuru. Arguida hatutan katak foin primeiravés komete krime no mai hatan iha tribunál, arguida hanesan negosiante ki'ik (kioske) ho rendimentu kada loron US\$5.00 no iha oan na'in haat.

Tribunál presinde depoimentu husi testemuña husi Unidade Polísia Fronteira (UPF) tanba iha produsaun ba prova arguida rasik konfesa ninia hahalok.

Alegasaun finál

Prokuradór konsidera arguida ninia hahalok ne'e prenze duni elementu krime kontrabandu tuir artigu 316 KP, nune'e atu halo prevensaun jerál iha futuru no tanba krime kontrabandu barak liu akontese iha fronteira, husu ba tribunál atu kondena arguida tuir pena ne'ebé hakerek ona iha akuzasaun prokuradór.

Enkuantu defeza haktuir katak arguida konfesa integralmente ba faktu sira iha akuzasaun, arrepende ninia hahalok no antes julgamentu arguida selu ona taxa ba Estadu liuhusi konta bankária Ministériu Públiku nian. Arguida mós kolabora di'ak ho tribunál, iha oan na'in haat no promete sei la halo tan krime iha futuru, nune'e defeza husu ba tribunál atu aplika pena ne'ebé justu ba arguida.

Desizaun

Tribunál prova, arguida nia hahalok ne'e prene duni elementu krime kontrabandu tuir faktu sira iha akuzasaun katak iha 03 Maiu 2018, iha oras tuku 12:00 meudia, arguida halo duni importasaun ilegal husi Indonezia mai Timor-Leste ho sasan sira hanesa tua habok whisky kaixa 70 no kada kaixa grafas 12 ho total garafas 840. Tribunál prova liu tan katak arguida nia hahalok ne'e hamosu prejuizu ba Estadu RDTL tanba arguida la selu taxa ba Estadu liuhusi diresaun Alfandega.

Nune'e tribunál bazeia ba faktu provadu sira no sirkunstansia sira hotu. Tribunál konklui prosesu ne'e no kondena arguidu ho pena prizaun tinan rua maibe suspende ba tinan rua.

12. Krime kontrabandu

Nú. Prosesu : 0067/20.OESIC
Kompozisaun Tribunál : Koletivu
Juis : Dr. Evangelino Belo
: Dr. Hugo da Cruz Pui
: Dr. Yudi Pamukas
Prokuradór : Dr. Mateus Nesi
Defeza : Dr. Calisto Tout
Desizaun : Pena prizaun tinan 2 suspende ba tinan 2

Iha 02 Jullu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve arguidu Yosep Lafu hasoru Estadu RDTL, iha Aldeia Sakato, Suku Nipani, Sub-distritu Pante-makasar, Distritu Oekusi.

Akuzasaun Prokuradór

Prokuradór akuza katak iha 10 Abril 2020, maizumenus iha oras tuku 17:30 lokraik. Arguidu transporta sasan hanesan mina gazolina litru 70 ilegalmente iha fronteira Sakato. Arguidu nia hahalok ne'e fó prezuijo ba Estadu RDTL lahetan reseita doméstika tanba arguidu laselu taxa ba Estadu lihusi diresaun Alfandega. Kuandu arguidu halo hela transaksaun ilegal ne'e no husi unidade polisia fronteira (UPF) haree no halo kedas kapturasaun ba iha arguidu no prende hotu sasan ne'ebé arguidu lori tama mai.

Prokuradór akuza arguidu kontra artigu 316 KP kona-ba krime kontrabandu ho moldura penál tinan 2 to'o tinan 6 prizaun.

Produsaun ba prova sira

Iha julgamentu, arguidu konfesa faktu hotu iha akuzasaun no arrepende ona ba nia hahalok. Antes ne'e arguidu lahatene ate agora arguidu lahalo ona transaksaun ilegal depoisde akontesementu. Altura ne'e arguida foin primeiraves halo krime no foin primeiraves mai tribunál. Arguida hanesan kaben na'in iha oan na'in neen laiha rendementu fixu kada fulan no promete ba tribunál katak sei larepete hikas nia hahalok ne'e iha futuru.

Prokuradór husu atu presinde testemuña husi Unidade Polísia Fronteira (UPF) no husi parte defeza laiha opsaun seluk. Tanba ne'e tribunál presinde testemuña nia depoimentu husi prosesu refere tanba iha produsaun ba prova arguidu konfesa hotu faktu sira akuzasaun.

Alegasaun finál

Prokuradór intende katak provas ne'ebé produs ona iha akuzasaun no provas ne'ebé produs durante iha produsaun ba prova hatudu katak arguidu rekoñese ninia hahalok, nune'e prokuradór konsidera hahalok arguidu ne'e preense duni elementu krime kontrabandu tuir artigu 316 KP no husu ba tribunál atu aplika pena ne'ebé hakrerek ona iha akuzasaun.

Enkuantu defeza intende katak iha produsaun ba prova arguidu rasik iha kolaborasaun diak ho tribunál no konfesa faktu integralmente. Defeza reforsa liu tan katak depoisde akontesementu arguidu arrepende ona ba nia hahalok. Arguidu foin primeiraves hatama sasan ilegal sira ne'e no mai hatan iha tribunál, ba oin arguidu sei lahalo ona no arguidu mak iha responsabilidade ba iha nia familia. Nune'e defeza husu ba tribunál atu aplika pena ne'ebé adekuadu.

Desizaun

Tribunál prova katak arguidu nia hahalok ne'e provadu preense duni elementu krime kontrabandu tuir artigu 316 KP tanba iha 10 Abril 2020, maizumenus iha oras tuku 17:30 lokraik no arguidu transporta sasan hanesan mina gasolina litru 70 ilegalmente iha fronteira Sakato. Tribunál prova liu tan katak arguidu nia hahalok ne'e fó prezuijo ba Estado RDTL lahetan reseita doméstika tanba arguidu laselu taxa ba Estado lihusi direasaun Alfandega.

Nune'e, tribunál bazeia ba faktu provadu hirak ne'e hotu no tetu ba sirkunstánsia atenuantes sira hotu. Tribunál konklui prosesu ne'e no kondena arguidu ho pena prizaun tinan rua suspende ba tinan rua.

13. Krime kontrabandu

Nú. Prosesu	: 0037/20.OESIC
Kompozisaun Tribunál	: Koletivu
Juis	: Dr. Hugo da Cruz Pui : Dr. Evangelino Belo : Dr. Yudi Pamukas
Prokuradór	: Dr. Pedro Baptista Aleixo dos Santos
Defeza	: Dr. Marcelino Marques Coro
Desizaun	: Pena prizaun tinan 2 suspende ba tinan 2

Iha 05 Jullu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve arguidu Wilfridus Afonso Abi hasoru Estado RDTL, iha Aldeia Noque, Suku Naimeco, Sub-distritu Pante-makasar, Distritu Oekusi.

Akuzasaun Prokuradór

Prokuradór akuza katak iha 22 Feveiru 2020, maizumenus iha oras tuku 18:00 lokraik. Arguidu transporta mina gazolina litru 40 ilegalmente iha fronteira Oelulan. Lihusi fronteira Oelulan no arguidu lori mina hirak ne'e tama mai territoriu Timor-Leste no laliu husi Alfandega atu selu taxa ba Estadu RDTL. Kuandu arguidu halo hela transaksaun ilegal ne'e no husi Unidade Polísia Fronteira (UPF) haree no halo kedas kapturasaun ba iha arguidu no prende hotu sasan ne'ebé arguidu lori tama mai.

Prokuradór akuza arguidu kontra artigu 316 KP kona-ba krime kontrabandu ho moldura penál tinan 2 to'o tinan 6 prizaun.

Produsaun ba prova sira

Iha julgamentu, arguidu konfesa faktu hotu iha akuzasaun no arrepende nia hahalok, ate agora arguidu lahalo ona transaksaun ilegal depoisde akontesementu. Arguidu hola mina ilegal ne'e husi ema sira iha Indonezia ho objetivu atu ense ba ninia motor. Arguidu foin primeiravés hatama mina ilegal no hanesan negosiante kiik faan bua-malus iha merkadu ho rendimentu kada loron US\$5.00. Arguidu hanesan kaben na'in no iha ona oan na'in tolu.

Prokuradór husu atu presinde testemuña husi Unidade Polísia Fronteira (UPF) no husi parte defeza laiha opsaun seluk. Tanba ne'e tribunál presinde testemuña nia depoimentu husi prosesu refere tanba iha produsaun ba prova arguidu konfesa hotu faktu sira akuzasaun.

Alegasaun finál

Prokuradór intende katak faktu sira ne'ebé hakerek ona iha akuzasaun no deklarasaun sira iha produsaun ba prova ne'e provadu no prokuradór konsidera hahalok arguidu ne'e prenze duni elementu krime kontrabandu, nune'e prokuradór husu ba tribunál atu aplika pena prizaun tinan rua suspende ba tinan rua.

Enkuantu defeza intende katak iha produsaun ba prova arguidu rasik iha kolaborasaun diak ho tribunál no konfesa faktu integralmente. Defeza reforsa liu tan katak depoisde akontesementu arguidu arrepende ona ba nia hahalok. Arguidu foin primeiraves hatama sasan ilegal sira ne'e no mai hatan iha tribunál, ba oin arguidu sei lahalo ona no arguidu mak iha responsabilidade ba iha nia familia. Nune'e defeza husu ba tribunál atu aplika pena ne'e justu ba arguidu.

Desizaun

Tribunál prova katak iha 22 Feveiru 2020, maizumenus iha oras tuku 18:00 lokraik. Arguidu transporta duni mina gazolina litru 40 ilegalmente iha fronteira Oelulan liuhusi dalan ilegal tama mai territoriu Timor-Leste laliu husi Alfandega atu selu taxa ba Estadu RDTL.

Bazeia ba faktu provadu hirak ne'e hotu no tetu mós ba sirkunstánsia sira ne'ebé haleu ona iha krime ne'e. Nune'e tribunál konklui prosesu ne'e no kondena arguidu ho pena prizaun tinan rua suspende ba tinan rua.

14. Krime kontrabandu

Nú. Prosesu : 0085/20.OESIC
Kompozisaun Tribunál : Koletivu
Juis : Dr. Hugo da Cruz Pui
: Dr. Evangelino Belo
: Dr. Yudi Pamukas
Prokuradór : Dr. Pedro Baptista Aleixo dos Santos
Defeza : Dr. Marcelino Marques Coro
Desizaun : Pena prizaun tinan 1 fulan 6 suspende ba tinan 2

Iha 05 Jullu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve arguidu Agostinho Ena hasoru Estadu RDTL, iha Aldeia Pasabe, Suku Abani, Sub-distritu Pasabe, Distritu Oekusi.

Akuzasaun Prokuradór

Prokuradór akuza katak iha 15 Abril 2020, maizumenus iha oras tuku 14:00 meiodia. Antes ne'e arguidu hameno hela ema ida (parseiru) husi Indonezia atu lori koto hasoru malu iha fronteira. Iha data ne'ebé mensiona iha leten arguidu hasoru ninia maluk Indonezia ne'e iha fronteira no hola koto saku rua hatama mai territoriu Timor-Leste liuhusi dalan ilegal. Kuandu arguidu halo hela transaksaun ilegal ne'e no husi Unidade Polísia Fronteira (UPF) haree no halo kedas kapturasaun ba iha arguidu no prende hotu sasan ne'ebé arguidu hatama mai.

Prokuradór akuza arguidu kontra artigu 316 KP kona-ba krime kontrabandu ho moldura penál tinan 2 to'o tinan 6 prizaun.

Produsaun ba prova sira

Iha julgamentu, arguidu konfesa faktu hotu iha akuzasaun no arrepende ona ba nia hahalok. Koto ne'e hatama husi haumenaan no kada sako ida hola ho osan dolar US\$20.00 no saku rua hamutuk US\$40.00. Depoisde akontesimentu ne'e arguidu selu ona taxa ba Estadu liuhusi konta bankária Ministériu Públiku nian no mina hirak ne'e arguidu foti ona. Arguidu mós promete sei la repete ninia hahalok ne'e iha futuro. Arguida hatutan katak foin primeiravés komete krime no mai hatan iha tribunál, arguidu servisu hanesan toos na'in laiha rendimentu fixu kada fulan no iha oan na'in neen.

Arguida mós deklara katak depoisde akontesimentu ne'e arguida selu ona taxa ba Estadu liuhusi konta bankária Ministériu Públiku nian no mina hirak ne'e arguida foti ona.

Prokuradór husu atu presinde testamuña husi unidade polisia fronteira (UPF) no husi parte defeza laiha opsaun seluk. Tanba ne'e tribunál preside testamuña nia depoismentu husi prosesu refere tanba iha produsaun ba prova arguidu konfesa hotu faktu sira akuzasaun.

Alegasaun finál

Prokuradór konsidera arguidu ninia hahalok ne'e prenze duni elementu krime kontrabandu tuir artigu 316 KP, nune'e atu halo prevensaun jerál iha futuru no tanba krime kontrabandu barak liu akontese iha fronteira, husu ba tribunál atu kondena arguidu tuir pena ne'ebé hakerek ona iha akuzasaun prokuradór.

Enkuantu defeza haktuir katak arguidu konfesa integralmente ba faktu sira iha akuzasaun, arrepende ninia hahalok no antes julgamentu arguidu selu ona taxa ba Estadu liuhusi konta bankária Ministériu Públiku nian. Arguidu mós kolabora di'ak ho tribunál, iha oan na'in neen no promete sei la halo tan krime iha futuru, nune'e husu ba tribunál atu aplika pena ne'ebé kmaan ba arguidu.

Desizaun

Tribunál prova katak iha 15 Abril 2020, maizumenus iha oras tuku 14:00 meudia, arguidu hola duni koto saku rua hatama mai territoriu Timor-Leste tuir dalan ilegal laliu husi diresaun alfandega atu selu taxa ba Estadu RDTL.

Bazeia ba faktu provadu ne'e no tetu ba aktu ne'ebé mak hatodan no hakaman arguidu nia responsabilidade kriminal. Tribunál konklui prosesu ne'e no kondena arguidu ho pena prizaun tinan tina ida fulan neen suspende ba tinan rua.

15. Krime kontrabandu

Nú. Prosesu	: 0140/20.OESIC
Kompozisaun Tribunál	: Koletivu
Juis	: Dr. Hugo da Cruz Pui : Dr. Evangelino Belo : Dr. Yudi Pamukas
Prokuradór	: Dr. Mateus Nesi
Defeza	: Dr. Marcelino Marques Coro
Desizaun	: Pena prizaun tinan ida suspende ba tinan ida ba arguida no arguidu sira.

Iha 06 Jullu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve husi arguidu Eugidui dos Santos Colo, João Ximenes no arguida Juana Bata hasoru Estadu RDTL, iha Aldeia Usapikolen, Suku Bobometo, Sub-distritu Oesilo, Distritu Oekusi.

Akuzasaun Prokuradór

Prokuradór akuza katak iha 19 Setembru 2020, iha oras tuku 22:00 kalan, arguida no arguidu sira hamutuk halo exportasaun sasan obralan (OB) ilegal husi Timor-Leste ba Indonezia. Arguidu no arguida sira nia hahalok ne'e hamosu prejuju ba estadu RDTL lahetan reseitas doméstika tanba arguidu no arguida sira hatama sasan laselu taxa ba Estadu liuhusi diresaun Alfandega.

Prokuradór akuza arguidu no arguida kontra artigu 316 KP kona-ba kontrabandu ho moldura penál tinan 2 to'o tinan 6 prizaun.

Produsaun ba prova sira

Iha prosesu julgamentu, arguidu no arguida sira konfesa faktu hotu iha akuzasaun prokuradór nian no deklarata katak arrepende ona ba sira ninia hahalok. Depoisde akontesimentu ne'e arguidu no arguida sira selu ona taxa ba Estadu liuhusi konta bankária Ministériu Públiku nian no sasan obralan hirak ne'e arguidu no arguida sira foti ona. Arguida no arguidu mós promete sei la repete ninia hahalok ne'e iha future no foin primeiravés komete krime mai hatan iha tribunál. Arguidu eugidiu sei kolsan estudante, foin primeiraves mai hatan iha tribunál, Arguida joana kaben na'in oan na'in haat no foin primeiraves mai iha tribunál no arguidu Joao kaben nain oan haat no servisu hanesan kondutor ho rendimentu kada fulan 205.00 no antes nee mai ona iha tribunál ba krime omisídiu negligente.

Tribunál presinde depoimentu husi testemuña husi Unidade Polísia Fronteira tanba iha produsaun ba prova arguida rasik konfesa ninia hahalok.

Alegasaun finál

Prokuradór intende arguida no arguidu sira iha duni intensaun atu transporta sasan hanesan obralan (OB) ba iha Kefa-Indonesia. Nune'e prokuradór hanoin katak arguidu no arguida sira ninia hahalok ne'e prenze duni elementu krime kontrabandu tuir artigu 316 KP, nune'e atu halo prevensaun jerál iha futuro no tanba krime kontrabandu barak liu akontese iha fronteira, husu ba tribunál atu kondena arguida no arguidu tuir pena ne'ebé hakerek ona iha akuzasaun prokuradór.

Enkuantu defeza haktuir katak arguida no arguidu sira konfesa integralmente ba faktu sira iha akuzasaun, arrepende ona ba sira nia hahalok, antes julgamentu arguida no arguidu selu ona taxa ba Estadu liuhusi konta bankária Ministériu Públiku nian. Arguida no arguidu sira mós kolabora di'ak ho tribunál, promete sei la halo tan krime iha futuro, nune'e defeza husu ba tribunál atu fó kastigu ne'ebé kmaan ba arguidu no arguida sira.

Desizaun

Tribunál prova katak iha 19 Setembru 2020, iha oras tuku 22:00 kalan, arguida no arguidu sira hamutuk halo exportasaun ba sasan obralan (OB) ilegál husi Timor-Leste ba Indonezia tuir dalan ilegal. Tribunál prova liu tan katak arguidu no arguida sira nia hahalok ne'e hamosu duni prejuuju ba estadu RDTL lahetan reseitas doméstika tanba arguidu no arguida sira hatama sasan hirak ne'e laselu taxa ba Estadu liuhusi diresaun Alfandega.

Bazeia ba faktu provadu hirak ne'e hotu no tetu mos ba sirkunstansia agravantes no atenuantes hirak ne'e. Nune'e tribunál konklui prosesu ne'e no kondena arguidu Eugidiu ho nia feen Joana ho pena prizaun tinan ida suspende ba tinan ida no kondena mós arguidu arguidu João Ximenes ho pena prizaun tinan suspende ba tinan ida.

16. Krime kontrabandu

Nú. Prosesu : 0010/20.OESIC
Kompozisaun Tribunál : Koletivu
Juis : Dr. Hugo da Cruz Pui

Prokuradór : Dr. Evangelino Belo
Defeza : Dr. Yudi Pamukas
Desizaun : Dr. Mateus Nesi
: Dr. Calisto Tout
: Pena prizaun tinan 2 suspende ba tinan 2

Iha 06 Jullu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve arguidu Tiberteus Colo hasoru Estado RDTL, iha Aldeia Saben, Suku Bobometo, Sub-distritu Oesilo, Distritu Oekusi.

Akuzasaun Prokuradór

Prokuradór akuza katak iha 12 Janeiro 2020, maizumenus iha oras tuku 19:30 lokraik. Arguidu transporta sasan hanesan sparen motor no sasan hanesan roupa ema nian liuhusi Poto-Saben. Arguidu nia hahalok ne'e hamosu prejuizu ba Estado RDTL lahetan reseitas doméstika tanba arguidu laselu taxa ba Estado liuhusi diresaun Alfandega. Kuandu arguidu halo hela transaksaun ilegal ne'e no husi Unidade Polísia Fronteira (UPF) haree no halo kedas kapturasan ba iha arguidu no prende hotu sasan ne'ebé arguidu lori tama mai.

Prokuradór akuza arguidu kontra artigu 316 KP kona-ba krime kontrabandu ho moldura penál tinan 2 to'o tinan 6 prizaun.

Produsaun ba prova sira

Iha julgamentu, arguidu konfesa faktu hotu iha akuzasaun no arrepende nia hahalok, ate agora arguidu lahalo ona transaksaun ilegal depoisde akontesementu. Arguidu deklara katak hatama duni sparen motor no roupa kalsa no faru ema nian liuhusi dalan ilegal. Depoisde akontesimentu ne'e arguidu selu ona taxa ba Estado liuhusi konta bankária Ministériu Públiku nian no sasan hirak ne'e arguidu foti ona. Arguidu foin primeiravés halo krime mai hatan iha tribunál, oan na'in tolu no serbisu hanesan to'os na'in laiha rendimentu fixu kada fulan.

Prokuradór husu atu presinde testemuña husi Unidade polísia Fronteira (UPF) no husi parte defeza laiha opsaun seluk. Tanba ne'e tribunál presinde testemuña nia depoimentu husi prosesu refere tanba iha produsaun ba prova arguidu konfesa hotu faktu sira akuzasaun.

Alegasaun finál

Prokuradór intende katak hahalok arguidu prene duni elementu krime kontrabandu, nune'e prokuradór husu ba tribunál atu aplika pena ne'ebe hakerek ona iha artigu 316 KP ho razaun katak krime kontrabandu mos barak mak akontese liuliu ema sira ne'ebé domisiliu permanente besik iha fronteira.

Enkuantu defeza intende katak iha produsaun ba prova arguidu rasik iha kolaborasaun diak ho tribunál no konfesa faktu integralmente. Defeza reforsa liu tan katak depoisde akontesementu arguidu arrepende ona ba nia hahalok. Arguidu foin primeiraves hatama sasan ilegal sira ne'e no mai hatan iha tribunál, ba oin arguidu sei lahalo ona no arguidu

mak iha responsabilidade ba iha nia familia. Nune'e defeza husu ba tribunál atu aplika pena ne'e justu ba arguidu.

Desizaun

Tribunál konsidera faktu ne'ebé loos mak iha 12 Janeiro 2020, maizumenus iha oras tuku 19:30 lokraik. Arguidu transporta sasan hanesan sparen motor no sasan hanesan roupa ema nian liuhusi poto-saben tuir dalan ilegal. Tribunál prova liu tan katak arguidu nia hahalok ne'e hamosu prejuizo ba Estado RDTL lahetan reseitas doméstika tanba arguidu laselu taxa ba Estado liuhusi direisaun alfandega.

Bazeia ba faktu provadu sira ne'e no tetu ba sirkunstansia sira ne'ebé mak hatodan no hakaman arguidu nia responsabilidade kriminal. Tuir mai tribunál konklui prosesu ne'e no kondena arguidu ho pena prizaun tinan rua suspende ba tinan rua.

17. Krime kontrabandu

Nú. Prosesu : 0098/20.OESIC
Kompozisaun Tribunál : Koletivu
Juis : Dr. Evangelino Belo
: Dr. Hugo da Cruz Pui
: Dr. Yudi Pamukas
Prokuradór : Dr. Mateus Nesi
Defeza : Dr. Marcelino Marques Coro
Desizaun : Pena prizaun tinan 2 suspende ba tinan 2

Iha 06 Jullu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve arguidu Agostinho Ena no Vicente Ena hasoru Estado RDTL, iha Aldeia Pasabe, Suku Abani, Sub-distritu Pasabe, Distritu Oekusi.

Akuzasaun Prokuradór

Prokuradór akuza katak iha 02 Juñu 2020, maizumenus iha oras tuku 06:00 dadeer, arguidu sira importa kombustivel gasolina litru 35 no gazoel litru 35 husi Indonezia tama territoriu Timor-Leste ilegalmente tanba laliu hosi direisaun Alfandega hodi selu taxa ba Estado RDTL. Kuandu arguidu sira halo hela transaksaun ilegal ne'e no husi Unidade Polísia Fronteira (UPF) haree no halo kedas kapturasaun ba iha arguidu sira no prende hotu sasan ne'ebé arguidu sira lori tama mai.

Prokuradór akuza arguidu sira kontra artigu 316 KP kona-ba krime kontrabandu ho moldura penál tinan 2 to'o tinan 6 prizaun.

Produsaun ba prova sira

Iha julgamentu, arguidu sira konfesa faktu hotu iha akuzasaun no arrepende ona ba nia hahalok. Antes ne'e arguidu sira lahatene ate agora arguidu sira lahalo ona transaksaun ilegal depoisde akontesementu. Altura ne'e arguidu sira foin primeiraves halo krime no depoisde akontesimentu ne'e arguidu sira selu ona taxa ba Estado liuhusi konta bankária Ministériu Públiku nian no mina hirak ne'e arguidu sira foti ona. Arguidu agostinho hanesan kaben na'in iha oan na'in haat, servisu hanesan toos na'in laiha

rendementu fixu kada fulan no promete ba tribunál katak sei larepete hikas nia hahalok ne'e iha futuru. Entretantu Arguidu vicente hanesan mos kaben na'in iha oan na'in rua, servisu hanesan toos na'in laiha rendementu fixu kada fulan no promete ba tribunál katak sei larepete hikas nia hahalok ne'e iha futuru.

Prokuradór husu atu presinde testemuña husi Unidade Polísia Fronteira (UPF) no husi parte defeza laiha opsaun seluk. Tanba ne'e tribunál presinde testemuña nia depoimentu husi prosesu refere tanba iha produsaun ba prova arguidu konfesa hotu faktu sira akuzasaun.

Alegasaun finál

Prokuradór intende katak provas ne'ebé produs ona iha akuzasaun no provas ne'ebé produs durante iha produsaun ba prova hatudu katak arguidu sira rekoñese duni sira nia hahalok, nune'e prokuradór konsidera hahalok arguidu sira ne'e preense duni elementu krime kontrabandu tuir artigu 316 KP no husu ba tribunál atu aplika pena ne'ebé hakrerek ona iha akuzasaun.

Enkuantu defeza intende katak iha produsaun ba prova arguidu sira rasik iha kolaborasaun diak ho tribunál, konfesa faktu integralmente no arrepende ona ba sira nia hahalok. Arguidu sira selu ona taxa ba Estadu liuhusi konta bankária Ministériu Públiku nian no mina hirak ne'e arguidu sira foti hotu ona. Arguidu agostinho hanesan kaben na'in iha oan na'in haat no arguidu vicente hanesan mos kaben na'in iha oan na'in rua, arguidu sira servisu hanesan toos na'in laiha rendementu fixu kada fulan no promete ona ba tribunál katak sei larepete hikas sira nia hahalok ne'e iha futuru. Nune'e defeza husu ba tribunál atu aplika pena ne'ebé adekua ba kada arguidu sira.

Desizaun

Tribunál konsidera faktu sira ne'ebé loos mak iha 02 Juñu 2020, maizumenus iha oras tuku 06:00 dader. Arguidu sira importa kombustivel gasolina litru 35 no gazoel litru 35 husi Indonesia tama territoriu Timor-Leste ilegalmente tanba laliu hosi diresaun alfandega hodi selu taxa ba Estadu RDTL.

Bazeia ba faktu provadu hirak ne'e hotu no tetu mós ho sirkunstánsia sira ne'ebé haleu krime ne'e. Tribunál konklui prosesu ne'e no kondena arguidu sira ho pena prizaun tinan rua suspende ba tinan rua ba kada arguidu.

18. Krime kontrabandu

Nú. Prosesu	: 0132/19.OESIC
Kompozisaun Tribunál	: Koletivu
Juis	: Dr. Hugo da Cruz Pui : Dr. Evangelino Belo : Dr. Yudi Pamukas
Prokuradór	: Dr. Mateus Nesi
Defeza	: Dr. Marcelino Marques Coro
Desizaun	: Pena prizaun tinan 2 suspende ba tinan 2

Iha 07 Jullu 2021, Tribunál Distritál Oekusi preside leitura akordaun ba kazu krime kontrabandu ne'ebé envolve arguidu Mario Fuca Talan hasoru Estadu RDTL, iha Aldeia Sakato, Suku Nipani, Sub-distritu Pante-makasar, Distritu Oekusi.

Akuzasaun Prokuradór

Prokuradór akuza arguida katak iha 09 Setembru 2019, iha oras tuku 23:00 kalan, arguidu halo importasaun ilegál husi Indonezia tama mai Timor-Leste. Arguidu importa mina gasolina litru 65 no arguidu nia hahalok ne'e fó prejuizu ba Estadu RDTL tanba arguidu la selu taxa ba Estadu liuhusi direasaun Alfandega.

Prokuradór akuza arguidu kontra artigu 316 KP kona-ba kontrabandu ho moldura penál tinan 2 to'o tinan 6 prizaun.

Produsaun ba prova sira

Iha prosesu julgamentu, arguidu konfesa faktu integralmente no depoisde akontesementu arguidu arrepende nia hahalok. Arguidu haktuir tan katak serbisu hanesan peskador ho rendimentu kada fulan US\$20.00 no arguidu foin primeiravés halo krime mai hatan iha tribunál. Arguidu deklarara tan katak depoisde akontesimentu liu tiha semana rua arguidu kontinua selu taxa liuhusi konta bankaria ministériu públiku, arguidu hanesan kaben na'in iha oan na'in haat no ba oin sei lahalo ona ka repete ninia hahalok ne'e iha futuru.

Tribunál presinde depoimentu husi testemuña Unidade Polísia Fronteira tanba iha produsaun ba prova arguidu rasik konfesa ninia hahalok.

Alegasaun finál

Prokuradór intende arguidu iha duni intensaun atu transporta mina ilegal husi wini-Indonesia tama mai territoriu Timor-Leste. Nune'e prokuradór hanoin katak arguidu ninia hahalok ne'e prenze duni elementu krime kontrabandu tuir artigu 316 KP. Atu halo prevensaun jerál iha futuru no tanba krime kontrabandu barak liu akontese iha linha fronteira, husu ba tribunál atu kondena arguidu tuir pena ne'ebé hakerek ona iha akuzasaun prokuradór.

Enkuantu defeza haktuir katak arguidu konfesa integralmente ba faktu sira iha akuzasaun, arrepende ninia hahalok no antes julgamentu arguidu selu ona taxa ba Estadu liuhusi konta bankária Ministériu Públiku nian. Arguidu mós kolabora di'ak ho tribunál, iha oan na'in haat no promete sei la halo tan krime iha futuru, nune'e defeza husu ba tribunál atu fó kastigu ne'ebé kmaan ba arguidu tuir ninia sala.

Desizaun

Tribunál prova katak arguidu halo duni importasaun ilegál hanesan lori mina gasolina litru 65 husi Indonezia tama mai Timor-Leste. Tribunál prova liu tan katak arguidu nia hahalok ne'e fó prejuizu ba Estadu RDTL tanba arguidu la selu taxa ba Estadu liuhusi direasaun Alfandega.

Tanba ne'e mak tribunál konseidera arguidu nia hahalok ne'e preense duni elementu krime kontrabandu tuir artigu 316 KP, nune'e tribunál tetu ba sirkunstánsia sira no konklui prosesu ne'e no kondena arguidu ho pena prizaun tinan rua suspende ba tinan rua.

19. Krime kontrabandu

Nú. Prosesu : 0021/20.PDOEC
Kompozisaun Tribunál : Koletivu
Juis : Dr. Hugo da Cruz Pui
: Dr. Evangelino Belo
: Dr. Yudi Pamukas
Prokuradór : Dr. Pedro Baptista Aleixo dos Santos
Defeza : Dr. Marcelino Marques Coro
Desizaun : Pena prizaun tinan 2 suspende ba tinan 2

Iha 07 Jullu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve arguida Anastacia Nesi hasoru Estadu RDTL, iha Aldeia Noque, Suku Naimeco, Sub-distritu Pante-makasar, Distritu Oekusi.

Akuzasaun Prokuradór

Prokuradór akuza katak iha 06 Setembru 2019, maizumenus iha oras tuku 20:00 kalan, arguida transporta sasan hanesan pupuk-urena (adubu)saku rua liu husi fronteira Oelulan liuhusi dalan ilegal. Arguida nia hahalok ne'e hamosu prezuiju ba Estadu RDTL lahetan reseitas doméstika tanba arguida laliu husi dalan legal selu taxa ba diresaun Alfandega.

Prokuradór akuza arguida kontra artigu 316 KP kona-ba krime kontrabandu ho moldura penál tinan 2 no to'o tinan 6 prizaun.

Produsaun ba prova sira

Iha julgamentu, arguida konfesa faktu hotu iha akuzasaun no hola pupuk husi indonezia saku rua 50 kg nian no hola iha tinan 2019 no hatama husi fronteira Oelulan. Depoide akontese polísia halo kapturasaun no prende hotu pupuk hirak ne'e no arguida arrepende nia hahalok. Arguida hatene kuandu hatama sasan laliu husi dalan legal ne'e kontra lei no hahalok hanesan ne'e ladiak. Arguida haktuir tan katak antes julgamentu arguida selu ona taxa liuhusi konata bankaria Ministériu Públiku, arguida iha oan na'in neen no serbisu toos na'in laiha rendimentu fiksi kada fulan no foin primeiravés halo krime no mai hatan iha tribunál.

Tribunál presinde testemuña nia depoimentu bazeia ba pedidu husi prokuradór no defeza tanba iha produsaun ba prova arguidu konfesa faktu integralmente.

Alegasaun finál

Prokuradór intende katak hahalok arguida priense duni elementu krime kontrabandu tanba iha produsaun a prova arguida konfesa faktu integralmente, nune'e prokuradór husu ba tribunál atu aplika pena prizaun tinan 2 maibé suspende ba tinan 2 atu iha

futuru arguida la bele repete ninia hahalok no ema seluk la bele halo tuir tanba iha RAEOA ba krime kontrabandu barak liu akontese bebeik ona.

Enkuantu defeza husu pena ne'ebé justu tuir arguida nia sala tanba iha produsaun ba prova arguida konfesa integralmente, arrepende nia hahalok, depoisde akontesementu arguida iha kolaborasaun di'ak ho tribunál no selu ona taxa ba Estadu RDTL liuhusi konta bankaria Ministériu Públiku. Arguida iha oan na'in neen no serbisu hanesan to'os na'in laiha rendimentu fiksi kada fulan no foin primeiravés halo krime no mai hatan iha tribunál.

Desizaun

Tribunál prova katak iha 06 Setembru 2019, maizumenus iha oras tuku 20:00 kalan. Arguida transporta duni sasan hanesan pupuk-urena (adubu) saku rua liu husi fronteira Oelulan tuir dalan ilegal. Tribunál konsidera arguida nia hahalok ne'e hamosu prezuiju ba Estadu RDTL lahetan reseitas doméstika tanba arguida laliu husi dalan legal selu taxa ba diresaun Alfandega.

Bazeia ba faktu provadu sira ne'e no tetu mós ho sirkunstánsia atenuantes sira hotu. Tribunál konklui prosesu ne'e no kondena arguida ho pena prizaun tinan rua suspende ba tinan rua.

20. Krime ofensa ba integridade fízika simples ho natureza violénsia doméstika

Nú. Prosesu : 0036/19.OEBCN

Kompozisaun Tribunál : Koletivu

Juis : Dr. Evangelino Belo
: Dr. Hugo da Cruz Pui
: Dr. Yudi Pamukas

Prokuradór : Dr. Mateus Nesi

Defeza : Dr. Calisto Tout

Desizaun : Pena prizaun tinan 1 fulan 6 suspende ba tinan 2

Iha 07 Jullu 2021, Tribunál Distritál Oekusi prezide leitura sentensa ba kazu krime ofensa ba integridade fízika simples ho natureza violénsia doméstika ne'ebé envolve arguidu JE hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 05 Agostu 2019, maizumenus iha oras tuku 14:00 meiodia. Arguidu husu lezada katak "*ohin hau haree mane ida kebit o*" no lezada responde katak laiha maibé arguidu kontinua dun lezada katak "*o keta bosok*", keta imi planu atu ba fatin ruma no kontinua tolok lezada, nune'e arguidu ho lezada kontinua diskute malu arguidu tuku dala rua iha lezada nia matan parte karuk no basa dala rua iha lezada nia hasan parte loos. Arguidu kontinua kaer lezada nia fuuk riba tun ba iha rai no arguidu sama lezada nia kakorok rezulta lezada sofre moras maka'as, bubu no metan. Antes ne'e arguidu baku bebeik ona lezada maibé lezada la ba hato'o keixa iha polísia. Kazu ne'e aneksa hamutuk ho relatóriu médiku husi Sentru Saúde Baocnana no fotografia kona-ba aktu violénsia ne'e mai husi polísia.

Prokuradór akuza arguidu kontra artigu 154 KP kona-ba maus-tratus ba kónjuje ho moldura penal tinan 2 to'o tinan 6 prizaun.

Produsaun prova sira

Iha julgamentu, arguidu konfesa faktu hotu iha akuzasaun no arrepende nia hahalok, arguidu ho lezada hola malu iha tinan 1998 no antes ne'e nunca halo agresaun fízika hasoru lezada no foin primeiravés halo krime hasoru lezada. Arguidu deklara liután katak arguidu halo agresaun hasoru lezada, tanba arguidu deskonfia lezada amante (*selingkuh*) ho mane seluk no dalaruma arguidu haree lezada la'o ho mane seluk. Arguidu serbisu hanesan to'os na'in laiha rendimentu fixu kada fulan no arguidu iha oan na'in lima no depoisde akontesementu arguidu ho lezada diak malu kedas.

Alende ne'e lezada kontinua konfirma faktu sira hotu iha akuzasaun no deklara katak depoisde akontesementu arguidu ho lezada dame malu kedas no ate agora arguidu lahalo ona krime hasoru lezada.

Alegasaun finál

Prokuradór intende katak arguidu nia hahalok ne'e priense duni elementu husi krime maus-tratus ba kónjuje ho natureza violénsia doméstika tuir faktu sira ne'ebé hakerek ona iha akuzasaun inklui arguidu ho lezada sira nia deklarasaun ne'ebé konfirma ona ba faktu sira. Tanba ne'e, husu ba tribunál atu kondena arguidu tuir pena ne'ebé hakerek ona iha artigu 154 KP.

Entretantu defeza husu ba tribunál atu aplika pena ne'ebé kmaan ho konsiderasaun katak iha produsaun ba prova arguidu kolabora diak ho tribunál, konfesa faktu hotu iha akuzasaun, no arrepende nia hahalok. Defeza haktuir tan katak depoisde akontesementu arguidu ho lezada dame malu kedas, iha oan na'in lima, arguidu mak iha responsabilidade ba iha nia família, serbisu hanesan to'os na'in laiha rendimentu fixu kada fulan no foin primeiravés mai hatan iha tribunál.

Desizaun

Tribunál intende katak faktu sira ne'ebé imputa hasoru arguidu la kosntitui ba krime maus-tratus ba kónjuje, nune'e tribunál halo alterasaun kona-ba kualifikasaun juridiku tuir artigu 274 Kódigu Prosesu Penál (KPP) husi krime maus-tratus ba kónjuje ba fali artigu 145 KP kona-ba krime ofensa ba integridade fízika simples ho natureza violénsia doméstika.

Depoisde avalia faktu hotu, tribunál prova katak arguidu tuku dala rua iha lezada nia matan parte karuk no basa dala rua iha lezada nia hasan parte loos. Arguidu kontinua kaer lezada nia fuuk riba tun ba iha rai no arguidu sama lezada nia kakorok rezulta lezada sofre moras maka'as, bubu no metan.

Bazeia ba faktu provadu hirak ne'e no tetu mós ho sirkunstánsia atenuante sira hanesan arguidu kolabora ho tribunál, arrepende nia hahalok, di'ak malu ona ho lezada

no foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena prizaun tinan ida fulan neen suspende ba tinan rua.

21. Krime maus-tratus ba menór

Nú. Prosesu : 0176/19.OESIC
Kompozisaun Tribunál : Koletivu
Juis : Dr. Evangelino Belo
: Dr. Hugo da Cruz Pui
: Dr. Yudi Pamukas
Prokuradór : Dr. Mateus Nesi
Defeza : Dr. Calisto Tout
Desizaun : Pena prizaun tinan 3 suspende ba tinan 3

Iha 08 Jullu 2021, Tribunál Distritál Oekusi prezide leitura akordaun ba kazu krime maus-tratus ba menór ne'ebé envolve husi arguida RE hasoru lezada ME (arguida nia beioan ho idade tinan 15), iha Distritu Oekusi.

Akuzasaun Prokuradór

Prokuradór akuza katak iha 12 Novembru 2019, maizumenus iha oras tuku 10:00 dadeer. Arguida rakut lezada nia fuuk, kaer lezada nia kakorok fai ba iha eskada uma nian rezulta bubu, metan no moras. Arguida kontinua uza ai-alu baku baku dala ida iha lezada nia tilun huun parte loos no baku dala ida iha lezada nia tilun hun parte karuk kauza bubu, metan no moras. Arguida kontinua uza fiu-eletrisidade baku dala barak iha lezada nia kotuk laran rezulta lezada sofre mean, bubu no moras. Arguida kontinua sama dala rua iha lezada nia kanuruk no lori lezada sulan iha kuartu laran hahu tuku 10:30 dadeer to'o tuku 17:00 lokraik mak foin, arguida hasai lezada no fó hahan ba lezada.

Prokuradór akuza arguida kontra artigu 155 KP kona-ba krime maus-tratus ba menór ho moldura penál tinan 2 to'o tinan 6 prizaun.

Produsaun ba prova sira

Iha julgamentu, arguida konfesa faktu parsialmente katak uza duni ai-alu baku lezada dala ida iha tilun huun parte loos no dala ida iha tilun hun parte karuk hafoin lori-fiu elektrisidade kontinua baku tan lezada dala rua iha kotuk laran. Maibé kona-ba faktu sira seluk iha akuzasaun arguida rezeita totalmente lahalo. Depoisde akontesementu arguida ho lezada dame malu kedas no arguida lori tais feto ida husu deskulpa no hatais fali ninia beioan no arguida baku lezada, tanba lezada sai husi uma ba toba fali iha nia kolega nia uma sein koñesimentu husi arguida. Arguida haktuir tan katak lezada hela ho arguida desde foin mak halo tinan haat ate problema ne'e mosu mak lezada ba hela fali ho nia inan-aman sira no dalaruma mak foin ba iha arguida nia uma. Arguida hanesan kaben na'in iha oan na'in neen, serbisu hanesan to'os na'in laiha rendimentu fixu kada fulan, arguida foin primeiravés halo krime mai hatan iha tribunál no promete sei larepete hikis nia hahalok hasoru lezada ka ema seluk.

Entretantu lezada kontinua konfirma faktu sira hotu iha akuzasaun no deklarata katak arguida sempre baku hela de'it lezada. Arguida ho lezada dame malu ona maibe lezada sei sente laran ne'e moras tanba desde hela ho arguida sempre baku hela de'it ate ikus ne'e mak arguida baku lezada maka'as liu no sulan tan iha uma laran. Lezada deklarata katak perdua ona arguida maibe lezada lakohi ona atu hela ho arguida.

Alegasaun final

Prokurador intende katak iha produsaun ba prova arguida tenta atu desvia-aan husi faktu ne'ebe hakerek ona iha akuzasaun tanba iha produsaun ba prova arguida nega parsialmente perante iha tribunál. Mesmu nune'e lezada kontinua konfirma faktu hotu iha akuzasaun prokurador. Tanba ne'e, prokurador haree no intende katak hahalok arguida nian priense duni elementu krime maus-tratus ba menor tuir artigu 155 nu 1 alinea (a) agrava ho numeru 3 KP.

Enkuantu defeza intende katak arguida konfesa parsialmente ba faktu sira ne'ebe hakerek ona iha akuzasaun, kolabora di'ak ho tribunál, arrepende nia hahalok, di'ak malu ona ho lezada. Defeza reforsa liutan katak arguida hanesan kaben na'in iha oan na'in neen no serbisu hanesan toos na'in laiha rendimentu fixu kada fulan, arguida foin primeiraves halo krime no mai hatan iha tribunál no promete sei larepete hikas nia hahalok hasoru lezada ka ema seluk. Tanba ne'e, defeza solisita ba tribunál kolektivu atu aplika pena ne'ebe adekuadu tuir arguida nia sala.

Desizaun

Depoisde avalia faktu hotu, tribunál prova katak arguida rakut lezada nia fuuk, kaer lezada nia kakorok fai ba iha eskada uma nian rezulta bubu, metan no moras. Arguida kontinua uza ai-alu baku baku dala ida iha lezada nia tilun huun parte loos no baku dala ida iha lezada nia tilun hun parte karuk kauza bubu, metan no moras. Arguida kontinua uza fiu-eletridade baku dala barak iha lezada nia kotuk laran rezulta lezada sofre mean, bubu no moras. Arguida kontinua sama dala rua iha lezada nia kanuruk no lori lezada sulan iha kuartu laran hahu tuku 10:30 dadeer to'o tuku 17:00 lokraik mak foin, arguida hasai lezada no fo hahan ba lezada.

Bazeia ba faktu provadu hirak ne'e no tetu mos ho sirkunstansia atenuante sira hanesan arguida ho lezada di'ak malu ona, arguida foin primeiraves mai hatan iha tribunál no promete sei la kometan krime hanesan iha futuro, nune'e tribunál konklui prosesu ne'e no kondena arguida ho pena prizaun tinan tolu suspende ba tinan tolu.

22. Krime kontrabandu

Nú. Prosesu	: 0053/20.OESIC
Kompozisaun Tribunál	: Kolektivu
Juis	: Dr. Hugo noda Cruz Pui : Dr. Evangelino Belo : Dr. Yudi Pamukas
Prokurador	: Dr. Pedro Bptista Aleixo dos Santos
Defeza	: Dr. Calisto Tout
Desizaun	: Pena prizaun tinan 2 suspende ba tinan 2

Iha 08 Jullu 2021, Tribunál Distritál Oekusi prezide leitura sentensa ba kazu krime kontrabandu ne'ebé envolve arguidu Jaime Amaral de Sousa Coa hasoru Estadu RDTL, iha Aldeia Sakato, Suku Nipani, Sub-distritu Pante-makasar, Distritu Oekusi.

Akuzasaun Prokuradór

Prokuradór akuza katak iha 21 Marsu 2020, iha oras tuku 21:00 kalan, arguidu halo importasaun ba motorizada ida ho marka revo-absolut laiha xapa matrikula tama mai territoria Timor-Leste liuhusi dalan ilegal no arguidu nia hahalok ne'e fó prejuizu ba Estadu RDTL tanba arguidu la selu taxa ba Estadu liuhusi direasaun Alfandega.

Prokuradór akuza arguidu kontra artigu 316 KP kona-ba kontrabandu ho moldura penál tinan 2 to'o tinan 6 prizaun.

Produsaun ba prova sira

Iha prosesu julgamentu, arguidu konfesa faktu integralmente no depoisde akontesementu arguidu arrepende nia hahalok. Arguidu haktuir tan katak serbisu hanesan peskador ho rendimentu kada fulan US\$20.00 no arguidu foin primeiravés halo krime no mai hatan iha tribunál. Arguidu deklara tan katak depoisde akontesimentu liu tiha ne'e arguidu kontinua selu taxa liuhusi direasaun Alfandega, arguidu sei klosan no ba oin sei lahalo ona ka repete ninia hahalok ne'e iha futuru.

Tribunál presinde depoimentu husi testemuña Unidade Polísia Fronteira tanba iha produsaun ba prova arguidu rasik konfesa ninia hahalok.

Alegasaun finál

Prokuradór intende arguidu iha duni intensaun no planeadu ona atu transporta motorizada refere tama mai territoriu Timor-Leste ilegalmente. Nune'e prokuradór hanoin katak arguidu ninia hahalok ne'e preense duni elementu krime kontrabandu tuir artigu 316 KP. Atu halo prevensaun jerál iha futuru no tanba krime kontrabandu barak liu akontese iha linha fronteira, husu ba tribunál atu kondena arguidu ho pena prizaun tinan rua maibé suspende ba tinan rua.

Enkuantu defeza haktuir katak arguidu konfesa integralmente ba faktu sira iha akuzasaun, arrepende ninia hahalok no antes julgamentu arguidu selu ona taxa ba Estadu liuhusi direasaun alfandega. Arguidu mós kolabora di'ak ho tribunál, sei klosan no promete sei la halo tan krime iha futuru, nune'e defeza husu ba tribunál atu fó kastigu ne'ebé kmaan ba arguidu tuir ninia sala.

Desizaun

Tribunál prova katak iha 21 Marsu 2020, iha oras tuku 21:00 kalan. Arguidu halo duni importasaun ba motorizada ida ho marka revo-absolut laiha xapa matrikula tama mai territoria Timor-Leste tuir dalan ilegal. Tribunál prova liu tan katak arguidu nia hahalok ne'e fó prejuizu ba Estadu RDTL tanba arguidu la selu taxa ba Estadu liuhusi direasaun Alfandega no tribunál konsidera arguidu nia hahalok ne'e preense duni elementu krime kontrabandu tuir artigu 316 KP.

Tanba ne'e, tribunál bazeia ba faktu hirak ne'e hotu no tetu mós ba sirkunstánsia sira ne'e. Tribunál konklui prosesu ne'e no kondena arguidu ho pena prizaun tinan rua suspende ba tinan rua.

23. Krime ofensa ba integridade fízika simples

Nú. Prosesu : 0032/20.OEPMK
Kompozisaun Tribunál : Koletivu
Juis : Dr. Hugo da Cruz Pui
: Dr. Evangelino Belo
: Dr. Yudi Pamukas
Prokuradór : Dr. Mateus Nesi
Defeza : Dr. Calisto Tout
Desizaun : Omologa pedidu dezistensia keixa

Iha 08 Jullu 2021, Tribunál Distritál Oekusi prezide leitura akordaun ba kazu krime ofensa ba integridade fízika simples ne'ebé envolve arguidu ASD hasoru lezada nu'udar nia bei-oan (idade 11), iha Distritu Oekusi.

Akuzasaun Prokuradór

Prokuradór akuza katak iha 23 Setembru 2020, maizumenus iha oras tuku 21:00 kalan. Arguidu tuda lezada dala ida ho xinelos-roda maibé lakona no kona fali basia fase roupa nian kauza nakfera. Arguidu kontinua basa lezada iha hasan loos dala tolu kauza lezada hetan bubu, mean no sofre moras. Depoisde akontesementu, lezada hetan akompañamentu husi testemuña DC ba apresenta keixa iha polísia no kontinua ba halo tratamentu iha Ospital Referál Oekusi.

Antes ne'e, prokuradór akuza arguidu kontra artigu 155 KP kona-ba krime maus-tratus ba menór ho moldura penál tinan 2 no to'o tinan 6 prizaun.

Produsaun ba prova sira

Iha julgamentu, arguidu konfesa faktu parsialmente katak arguidu rezeita labasa dala tolu no tuda ho xinelos roda maibé arguidu konfirma katak basa dala ida de'it tanba lezada nakar demais kolia larona, arguidu arrepende nia hahalok no di'ak malu ona ho lezada. Arguidu haktuir tan katak lezada hanesan arguidu nia beioan no arguidu hanesan kaben na'in iha oan na'in tolu, serbisu hanesan to'os na'in laiha rendimentu fixu kada fulan, dame malu ona ho lezada, arguidu foin primeiravés halo krime no mai hatan iha tribunál no promete sei larepete hikas nia hahalok hasoru lezada ka ema seluk.

Entretantu lezada deklara katak kuandu arguidu bolu lezada atu foti iskeiru sunu sigaru maibé lezada larona mak arguidu lori xinelos-roda tuda lezada maibé la kona no kona fali iha basea fase roupa, nune'e arguidu basa dala ida iha lezada nia hasan parte loos kauza bubu, mean no moras no ba faktu seluk lezada la hatan pergunta sira ne'ebé mak autór tribunál sira husu.

Testemuña DC nu'udar arguidu nia feen depoimenta katak altura ne'eba kuandu arguidu baku lezada, testemuña laharee ho matan tanba iha hela uma laran.

Alegasaun finál

Prokuradór intende katak iha produsau ba prova arguidu tenta atu desvia-aan husi faktu ne'ebé imputa hasoru arguidu tanba arguidu nega parsialmente perante iha tribunál. Mesmu nune'e lezada kontinua konfirma de'it faktu balun maibé prokuradór hanoin katak situasaun ne'e akontese tanba lezada ho arguidu dame malu ona. Tanba ne'e, prokuradór konsidera arguidu nia hahalok priense duni elementu husi krime maus-tratus-ba menór no husu ba tribunál atu aplika pena ne'ebé hakerek ona iha artigu 155 KP

Enkuantu defeza intende katak arguidu konfesa parsialmente ba faktu sira ne'ebé hakerek ona iha akuzasaun ne'ebé konfirma mós ho lezada nia deklarasaun katak lori xinelos-roda tuda lezada la kona no arguidu basa dala ida de'it iha lezada nia hasan parte loos no laos dala tolu. Defeza fiar liu ba arguidu nia deklarasaun perante iha tribunál tanba arguidu deklara ho onestu, arrepende ona ba nia hahalok, di'ak malu ona ho lezada no arguidu mak kontinua fó eskola lezada. Arguidu hanesan kaben na'in iha oan na'in tolu no servisu hanesan toos na'in laiha rendimentu fixu kada fulan. Tanba ne'e, defeza solisita ba tribunál kolektivu atu aplika pena ne'ebé adekuadu tuir arguidu nia sala.

Desizaun

Tribunál intende katak faktu sira ne'ebé imputa hasoru arguidu la konstitui ba krime maus-tratus ba menór, nune'e tribunál halo alterasaun kona-ba kualifikasaun juridiku tuir artigu 274 KPP husi krime maus-tratus ba menór ba fali krime ofensa ba integridade física simples.

Depoisde avalia faktu hotu tribunál prova katak arguidu lori xinelos-roda tuda lezada maibé la kona no kona fali iha basea fase rounpa, nune'e arguidu basa dala ida iha lezada nia hasan parte loos kauza bubu, mean no moras.

Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa, arrepende nia hahalok, di'ak malu ona ho lezada, foin primeiravés komete krime no mai hatan iha tribunál no promete sei la komete tan krime hanesan iha futuru. Nune'e tribunál kolektivu decide hodi omologa de'it pedidu dezistencia keiza husi parte sira no absolve arguidu husi primeira instansia.

24. Krime kontrabandu

Nú. Prosesu	: 0099/19.OESIC
Kompozisaun Tribunál	: Kolektivu
Juis	: Dr. Yudi Pamukas
	: Dr. Hugo da Cruz Pui
	: Dr. Evangelino Belo
Prokuradór	: Dr. Pedro Baptista Aleixo dos Santos
Defeza	: Dr. Calisto Tout

Desizaun : Pena prizaun tinan 2 suspede ba tinan 2 ba kada arguidu no arguida

Iha 08 Jullu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve arguida Imaculada Corbafo Soares no arguidu Armando Lelan, Leonardus Quefi no Henrique Feo hasoru Estadu RDTL, iha Aldeia Saben, Suku Bobometo, Sub-distritu Oesilo, Distritu Oekusi.

Akuzasaun Prokuradór

Prokuradór akuza katak iha 24 Marsu 2016, maizumenus iha oras tuku 14:30 meiodia. Arguida no arguidu sira transporta sasan hanesan mina husi Indonezia tama mai territoriu Timor-Leste liuhusi dalan ilegal no lamliuhusi Alfandega hodi selu taxa ba Estadu RDTL. Arguida imaculada hatama mina gasolina litru 400 no gazoel litru 195. Arguidu Armando hatama mina gasolina litru 265 no mina rai litru 100. Arguidu Leonardus hatama mina gasolina litru 400 no arguidu Henrique hatama mina gasolina litru 260. Arguidu no arguida sira nia hahalok ne'e hamosu prezuiju ba Estadu RDTL tanba laselu taxa ba iha dirresaun Alfandega.

Prokuradór akuza arguida no arguidu sira kontra artigu 316 KP kona-ba krime kontrabandu ho moldura penál tinan 2 to'o tinan 6 prizaun.

Produsaun ba prova sira

Iha julgamentu, arguidu no arguida sira konfesa faktu hotu iha akuzasaun no arrepende sira nia hahalok. Depoizde akontesementu, arguidu no arguida sira selu ona taxa ba Estadu RDTL liuhusi konta bankaria ministériu públiku no hotu-hotu foin primeiravés halo krime no mai hatan iha tribunál. Arguida no arguidu sira deside hatama sasan hanesan mina sira liuhusi dalan ilegal tanba osan lato'o atu selu taxa ba Estadu liuhusi direasaun Alfandega. Arguida Imaculada iha oan na'in rua no serbisu hanesan dona decasa laiha rendimentu fixu kada fulan, arguidu Armando iha oan na'in haat laiha rendimentu fixu kada fulan tanba serbisu hanesan toos nain, arguidu Leonardus oan na'in rua laiha rendimentu fixu kada fulan tanba serbisu hanesan toos na'in no arguidu Henrique kaben na'in iha oan na'in ida serbisu hanesan toos na'in laiha rendimentu fixu kada fulan.

Tribunál presinde depoimentu testemuña husi Unidade Polísia Fronteira tanba iha produsaun ba prova arguidu no arguida sira konfesa faktu hotu iha akuzasaun.

Alegasaun finál

Prokuradór intende katak aktu krime kontrabandu ne'e akontese duni tuir faktu sira ne'ebé hakerek ona iha akuzasaun tanba iha produsaun ba prova arguidu no arguida sira konfesa integralmente. Prokuradór reforsa liután katak hahalok arguidu no arguida priense duni elementu husi krime kontrabandu tuir artigu 316 KP, nune'e prokuradór husu ba tribunál kolektivu ida ne'e atu aplika pena prizaun tinan rua maibé suspende ba tinan rua ba kada arguidu no arguida.

Enkuantu defeza intende katak iha produsaun ba prova arguida no arguidu konfesa faktu hotu iha akuzasaun no arrepende sira nia hahalok. Antes julgamentu arguidu no arguida sira selu ona taxa liuhusi konta bankaria ministériu públiku no hotu-hotu foin primeiravés halo krime no mai hatan iha tribunál. Arguida Imaculada iha oan na'in rua no serbisu hanesan dona decasa laiha rendimentu fixu kada fulan, arguidu Armanduo iha oan na'in haat laiha rendimentu fixu kada fulan tanba serbisu hanesan toos nain, arguidu Leonardus iha oan na'in rua laiha rendimentu fixu kada fulan tanba serbisu hanesan toos na'in no arguidu Henrico kaben na'in iha oan na'in ida serbisu hanesan toos na'in laiha rendimentu fixu kada fulan. Tanba ne'e, defeza husu ba tribunál atu fó kastigu ne'ebé adekuadu ba arguidu no arguida.

Desizaun

Tribunál prova no konsidera faktu sira ne'ebé loos mak iha 24 Marsu 2016, maizumenus iha oras tuku 14:30 meudia. Arguida no arguidu sira transporta duni sasan hanesan mina husi Indonezia tama mai territoriu Timor-Leste tuir dalan ilegal no la liuhusi Alfandega atu selu taxa ba Estadu RDTL. Tribunál prova karak arguida Imaculada hatama mina gasolina litru 400 no gazoel litru 195. Arguidu Armando hatama mina gasolina litru 265 no mina rai litru 100. Arguidu Leonardus hatama mina gasolina litru 400 no arguidu Henrique hatama mina gasolina litru 260. Tribunál prova liu tan katak arguidu no arguida sira nia hahalok ne'e hamosu prezuiju ba Estadu RDTL tanba la selu taxa ba iha dirresaun Alfandega no tribunál konsidera arguidu no arguida sira nia hahalok ne'e prenze duni elementu krime kontrabandu tuir artigu 316 KP.

Bazeia ba faktu provadu hirak ne'e hotu no tetu mós ho sirkunstánsia sira ne'ebé haleu krime ne'e. Tribunál konklui prosesu ne'e no kondena arguidu ho pena prizaun tinan rua suspende ba tinan rua ba kada arguidu no arguida.

25. Krime kontrabandu

Nú. Prosesu	: 0002/20.OESIC
Kompozisaun Tribunál	: Koletivu
Juis	: Dr. Yudi Pamukas : Dr. Hugo da Cruz Pui : Dr. Evangelino Belo
Prokuradór	: Dr. Mateus Nesi
Defeza	: Dr. Marcelino Marques Coro
Desizaun	: Pena prizaun tinan 2 suspende ba tinan 2

Iha 08 Jullu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve arguidu Michael Cab hasoru Estadu RDTL, Iha Aldeia Saben, Suku Bobometo, Sub-distritu Oesilo, Distritu Oekusi.

Akuzasaun Prokuradór

Prokuradór akuza katak iha 29 Novembru 2019, maizumenus iha oras tuku 22:00 kalan. Arguidu hola mina gasolina ne'e iha nia maluk ida husi Indonezia iha fronteira entre Timor-Leste no Indonezia no hatama mina gasolina litru 60 liuhusi fronteira Saben tama mai territoriu Timor-Leste no la liuhusi Alfandega atu selu taxa ba Estadu RDTL.

Prokuradór akuza arguidu kontra artigu 316 KP kona-ba krime kontrabandu ho moldura penál tinan 2 to'o tinan 6 prizaun.

Produsaun ba prova sira

Iha julgamentu, arguidu konfesa faktu hotu iha akuzasaun no hatene katak kuandu hatama sasan liuhusi dalan ilegal ne'e kontra lei. Arguidu haktuir tan katak depoisde arrepende nia hahalok, arguidu hanesan kaben na'in no iha ona oan na'in lima, serbisu hanesan toos na'in laiha rendimentu fixu kada fulan, foin primeiravés halo krime no mai hatan iha tribunál no promete sei larepete hahalok ne'e iha futuru.

Prokuradór husu atu presinde testemuña husi Unidade Polísia Fronteira (UPF) no husi parte defeza laiha opsaun seluk. Tanba ne'e tribunál presinde testemuña nia depoimentu husi prosesu refere tanba iha produsaun ba prova arguidu konfesa ona saida mak prokuradór akuza hasoru arguidu.

Alegasaun finál

Prokuradór hanoin katak laiha duvida no prova katak arguidu nia hahalok ne'e preense duni elementu krime kontrabandu. Tanba ne'e prokuradór husu ba tribunál atu aplika pena ne'ebé hakerek ona iha artigu 316 KP atu arguidu labele repete fali nia hahalok no ema seluk labele halo tuir.

Enkuantu defeza intende katak iha produsaun ba prova arguidu iha kolaborasaun diak ho tribunál hodi konfesa hotu saida mak hakerek ona iha akuzasaun prokuradór. Defeza reforsa liu tan katak depoisde akontesementu arguidu arrepende ona ba nia hahalok, oan na'in lima, servisu hanesan to'os na'in laiha rendimentu fixu kada fulan no arguidu foin primeiraves halo krime ne'e mai hatan iha tribunál. Tanba ne'e, defeza husu ba tribunál atu aplika pena ne'ebé adekua ba arguidu tuir ninia sala.

Desizaun

Depoisde avalia faktu hotu tribunál prova katak Arguidu hola mina gasolina ne'e iha nia maluk ida husi Indonezia iha fronteira entre Timor-Leste no Indonezia no hatama mina gasolina litru 60 liuhusi fronteira Saben tama mai territoriu Timor-Leste no la liuhusi Alfandega atu selu taxa ba Estado RDTL.

Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa, arrepende nia hahalok, foin primeiravés mai hatan iha tribunál No. promete sei la komete tan krime hanesan iha futuru, nune'e tribunál konklui prosesu ne'e no kondena arguidu ho pena prizaun tinan rua suspende ba tinan rua.

26. Krime inséndiu

Nú. Prosesu : 0030/17.OEBCN
Kompozisaun Tribunál : Koletivu
Juis : Dr. Yudi Pamukas
: Dr. Hugo da Cruz Pui
: Dr. Evangelino Belo

Prokuradór : Dr. Mateus Nesi
Defeza : Dr. Calisto Tout
Desizaun : Absolve

Iha 09 Jullu 2021, Tribunál Distritál Oekusi prezide leitura akordaun ba kazu krime inséndiu ne'ebé envolve arguida Elisa Tael hasoru lezadu Beneditu Queni, iha Aldeia Fatunababo, Suku Usi-taco, Sub-distritu Nitibe, Distritu Oekusi.

Akuzasaun Prokuradór

Prokuradór akuza katak iha 28 Juñu 2017, maizumenus iha oras tuku 11:00 dadeer. Arguida uza iskeiru sunu uma kabuar lezadu nian rezulta uma kabuar kuak husi tatis to'o kakuluk ho valor la apuradu. Kazu ne'e akontese bainhira arguida haree lezadu diskute malu ho ninia feen ne'ebé hanesan mós arguida ninia oan fetu.

Prokuradór akuza arguidu kontra artigu 263 KP kona-ba krime inséndiu ho moldura penál tinan 2 to'o tinan 8 prizaun.

Produsaun ba prova sira

Iha julgamentu, arguida konfesa faktu hotu iha akuzasaun, arguida deklara katak arrepende nia hahalok. Arguida sunu uma kabuar ne'ebé babain hatama hahan no sasan seluk tan no uma kabuar ne'e atu rai deit hahan. Arguida deklara tan katak depoisde akontesementu arguida ho lezadu dame malu tiha no arguida fó fahi bo'ot ida no tais mane rua ba iha ninia mane foun ba uma sorin ne'ebé arguida rasik sunu estraga tiha, arguida halo ida ne'e tanba arguida nia oan fetu tanis tanba hetan baku husi nia laen. Arguida iha oan na'in hitu no foin primeiraves halo krime no mai hatan iha tribunál, serbisu hanesan dona decasa laiha rendimentu fixu kada fulan.

Alende ne'e lezadu mós konfirma faktu hotu iha akuzasaun no husu tribunál atu labele kontinua ho prosesu ne'e tanba lezadu simu ona fahi bo'ot ida no tais ida husi arguida no dame malu ona ho nia banin fetu.

Alegasaun finál

Prokuradór intende katak arguida konfesa faktu hotu ne'ebé prokuradór imputa ona iha akuzasaun. Tanba ne'e, hahalok arguida preense duni elementu krime inséndiu ne'e previstu no punidu iha artigu 263 KP. Nune'e prokuradór husu atu aplika pena ne'ebé hakerek ona iha akuzasaun.

Entretantu defeza intende katak iha produsaun ba prova arguida konfesa faktu integralmente, arrepende nia hahalok. Arguida mós iha idade ne'ebé ferik liu ona no altura ne'eba tanba mosu problema husi lezadu hasoru nia feen nu'udar mós arguida nia oan fetu rasik hodi halo arguida sente triste no hanoin barak. Defeza reforsa liután katak arguida foin primeiravés halo krime no mai hatan iha tribunál no serbisu hanesan dona decasa laiha rendimentu fixu kada fulan. Tanba ne'e defeza husu ba tribunál atu aplika pena ne'ebé adekuaudu tuir arguidu nia sala ho konsiderasaun katak arguida ho idade avansadu ona no arguida mós fó ona fahi boot ida no tais mane rua.

Desizaun

Depoisde avalia faktu hotu tribunál prova katak Arguida uza iskeiru sunu uma kabuar lezadu nian rezulta uma kabuar kuak husi tatis to'o kakuluk ho valor la apuradu.

Bazeia ba faktu provadu sira ne'e no tetu mós ho sirkunstánsia atenuante sira hanesan arguida konfesa, arrepende ona nia hahalok, foin primeiravés mai hatan iha tribunál, di'ak malu ona ho lezadu no arguida fó ona fahi boot no tais mane rua ba lezadu, nune'e tribunál konklui prosesu no absolve arguida husi krime ne'e.

27. Krime kontrabandu

Nú. Prosesu : 0099/20.OESIC
Kompozisaun Tribunál : Koletivu
Juis : Dr. Yudi Pamukas
: Dr. Hugo da Cruz Pui
: Dr. Evangelino Belo
Prokuradór : Dr. Pedro Baptista Aleixo dos Santos
Defeza : Dr. Calisto Tout
Desizaun : Pena prizaun tinan 3 suspende ba tinan 3 ba kada arguidu

Iha 09 Jullu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve arguidu Batista Neno ho Gabriel Colo hasoru Estadu RDTL, iha Aldeia Saben, Suku Bobometo, Sub-distritu Oesilo, Distritu Oekusi.

Akuzasaun Prokuradór

Prokuradór akuza katak iha 22 Agostu 2020, maizumenus iha oras tuku 21:15 kalan. Arguidu sira hamutuk hatama sasan hanesan tabaco joker caixa ida, sigaru LA no Surya bal 4 transporta liuhusi Fronteira Oelbatena tama mai territoriu Timor-Leste no la liuhusi Alfandega hodi selu taxa ba Estadu RDTL. Kuandu arguidu sira halo hela transaksaun ba sasan ilegal hirak ne'e Unidade Polísia Fronteira (UPF) halo kedas kapturasaun ba iha arguidu sira no prende hotu sasan ne'ebé arguidu lori tanba arguidu sira laiha dokumentu autentiku ruma.

Prokuradór akuza arguidu sira kontra artigu 316 KP kona-ba krime kontrabandu ho moldura penál tinan 2 to'o tinan 6 prizaun.

Produsaun ba prova sira

Iha julgamentu, arguidu sira konfesa faktu hotu iha akuzasaun no hatene katak kuandu hatama sasan liuhusi dalan ilegal ne'e kontra lei. Arguidu sira akresenta liu tan katak depoisde polisia UPF halo kapturasaun no arguidu sira arrepende sira nia hahalok no ate agora lahalo ona servisu hanesan hatama sasan liuhusi dalan ilegal. Arguidu Gabriel hanesan kaben na'in no iha ona oan na'in haat no arguidu Baptista sei klosan, arguidu sira foin primeiraves halo krime ne'e mai hatan iha tribunál no promete ona katak sei larepete hikas sira nia hahalok ne'e iha futuru.

Prokuradór husu atu presinde testemuña husi Unidade Polísia Fronteira (UPF) no husi parte defeza laiha opsaun seluk. Tanba ne'e tribunál presinde testemuña nia

depoimentu husi prosesu refere tanba iha produsaun ba prova arguidu sira konfesa ona saida mak prokuradór akuza hasoru arguidu nain rua.

Alegasaun finál

Prokuradór hanoin katak laiha duvida ba faktu sira ne'ebé hakerek ona iha akusaun prokuradór tanba iha produsaun ba prova arguidu sira rasik ida-idak konfesa faktu integrameante, signifika arguidu sira nia hahalok ne'e prenze duni elementu krime kontrabandu, nune'e prokuradór husu ba tribunál atu aplika pena prizaun tinan 2 maibé suspende ba tinan 2 ba kada arguidu tuir artigu 316 KP.

Enkuantu defeza intende katak iha produsaun ba prova arguidu sira rasik kolabora diak ho tribunál hodi konfesa hotu saida mak hakerek ona iha akuzasaun prokuradór. Defeza reforsa liu tan katak depoisde akontesementu arguidu sira arrende ona ba sira nia hahalok tanba arguidu sira hanoin depoisde UPF halo tiha kapturasaun ba sira katak hahalok hanesan ne'e ladiak no kontra lei. Arguidu sira hanesan kaben na'in hotu no ida-idak iha oan na'in ida, servisu hanesan to'os na'in laiha rendimentu fixu kada fulan no arguidu sira foin primeiraves halo krime ne'e mai hatan iha tribunál. Tanba ne'e, husu ba tribunál atu aplika pena ne'ebé adekuadu ba arguidu sira tuir ida-idak nia sala.

Desizaun

Depoisde avalia faktu hotu tribunál prova katak arguidu sira hamutuk hatama sasan hanesan tabaco joker kaixa ida, sigaru LA no Surya bal 4 transporta liuhusi Fronteira Oelbatena tama mai territoriu Timor-Leste no la liuhusi Alfandega hodi selu taxa ba Estado RDTL. Kuandu arguidu sira halo hela transaksaun ba sasan ilegal hirak ne'e Unidade Polísia Fronteira (UPF) halo kedas kapturasaun ba iha arguidu sira no prende hotu sasan ne'ebé arguidu lori tanba arguidu sira laiha dokumentu autentiku ruma.

Bazeia ba faktu provadu ne'e no tetu mós ho sirkunstánsia sira ne'ebé haleu krime ne'e, nune'e tribunál konklui prosesu ne'e no kondena arguidu sira ho pena prizaun tinan tolu suspende tinan tolu ba kada arguidu.

28. Krime kontrabandu

Nú. Prosesu	: 0014/18.OESIC
Kompozisaun Tribunál	: Koletivu
Juis	: Dr. Hugo da Cruz Pui
	: Dr. Evangelino Belo
	: Dr. Yudi Pamukas
Prokuradór	: Dr. Pedro Baptista Aleixo dos Santos
Defeza	: Dr. Calisto Tout
Desizaun	: Pena prizaun tinan 2 suspende ba tinan 2

Iha 09 Jullu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve arguida Jacinta Colo hasoru Estado RDTL, iha Aldeia Saben, Suku Bobometo , Sub-distritu Oesilo, Distritu Oekusi.

Akuzasaun Prokuradór

Prokuradór akuza katak iha 19 Janeiru 2018, maizumenus iha oras tuku 22:00 kalan. Arguida transporta sasan hanesan mina gazoel litru 100 no mina gasolina litru 105 liu husi Fronteira saben tuir dalan ilegal. Arguida nia hahalok ne'e hamosu prezuiju ba Estadu RDTL lahetan reseitas doméstika tanba arguida laliu husi dalan legal hodi selu taxa ba diresaun Alfandega.

Prokuradór akuza arguida kontra artigu 316 KP kona-ba krime kontrabandu ho moldura penál tinan 2 to'o tinan 6 prizaun.

Produsaun ba prova sira

Iha julgamentu, arguida konfesa faktu hotu iha akuzasaun, arrepende nia hahalok. Arguida konsiente katak hahalok hanesan ne'e ladiak no depoisde akontese ate agora arguida la hatama sasan liuhusi dalan ilegal. Depoisde akontesementu polísia halo kapturasaun no prende hotu mina hirak ne'e hafoin arguida selu taxa liuhusi konta bankaria ministériu públiku no arguida foti ona mina sira ne'e. Arguida iha oan na'in tolu no serbisu toos na'in laiha rendimentu fiksi kada fulan no foin primeiravés halo krime no mai hatan iha tribunál.

Tribunál presinde testemuña nia depoimentu bazeia ba pedidu husi prokuradór no defeza tanba iha produsaun ba prova arguida konfesa faktu integralmente.

Alegasaun finál

Prokuradór intende katak hahalok arguida prenze duni elementu krime kontrabandu tanba iha produsaun ba prova arguida rasik konfesa faktu integralmente, nune'e prokuradór husu ba tribunál atu aplika pena prizaun tinan 2 maibé suspende ba tinan 2 atu iha futuru arguida labele repete ninia hahalok no ema seluk labele halo tuir tanba iha RAEOA ba krime kontrabandu barak liu akontese bebeik ona.

Enkuantu defeza husu pena ne'ebe justu tuir arguida nia sala tanba iha produsaun ba prova arguida konfesa integralmente, arrepende nia hahalok, depoisde akontesementu arguida iha kolaborasaun diak ho tribunál no selu ona taxa ba Estadu RDTL liuhusi konta bankaria Ministériu Públiku. Arguida iha oan na'in tolu no servibu hanesan toos na'in laiha rendimentu fiksi kada fulan no foin primeiravés halo krime no mai hatan iha tribunál.

Desizaun

Depoisde avalia faktu hotu tribunál prova katak Arguida transporta sasan hanesan mina gazoel litru 100 no mina gasolina litru 105 liu husi Fronteira saben tuir dalan ilegal. Arguida nia hahalok ne'e hamosu prezuiju ba Estadu RDTL lahetan reseitas doméstika tanba arguida laliu husi dalan legal hodi selu taxa ba diresaun Alfandega.

Bazeia ba faktu provadu sira ne'e no tetu mós sirkunstánsia atenuante sira, nune'e tribunál konklui prosesu ne'e no kondena arguida ho pena prizaun tinan rua suspende ba tinan rua.

29. Krime kontrabandu

Nú. Prosesu : 0125/20.OESIC

Kompozisaun Tribunál : Koletivu
Juis : Dr. Evangelino Belo
: Dr. Hugo da Cruz Pui
: Dr. Yudi Pamukas
Prokuradór : Dr. Pedro Baptista Aleixo dos Santos
Defeza : Dr. Calisto Tout
Desizaun : Pena prizaun tinan 2 ba tinan 2

Iha 09 Julu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve arguida Margaretha Tebe Abi hasoru Estadu RDTL. Iha Aldeia Oelulan, Suku Naimeco, Sub-distritu Pante-makasar, Distritu Oekusi.

Akuzasaun Prokuradór

Prokuradór akuza katak iha 08 Agostu 2020, maizumenus iha oras tuku 18:00 lokraik. Arguida transporta sasan hanesan adubu ka pupuk-urena sako rua ilegalmente liuhusi Fronteira Oelulan. Arguida nia hahalok ne'e hamosu prezuiju ba Estadu RDTL lahetan reseitas doméstika tanba arguida laliu husi dalan legal atu selu taxa ba iha dirersaun Alfandega.

Prokuradór akuza arguida kontra artigu 316 KP kona-ba krime kontrabandu ho moldura penál tinan 2 to'o tinan 6 prizaun.

Produsaun ba prova sira

Iha julgamentu, arguidu konfesa hotu faktu sira iha akuzasaun, arrepende nia hahalok. Arguida deklarata katak foin primeiravés halo krime no mai hatan iha tribunál, hahu husi ne'eba arguida lahalo ona ka hatama ona sasan ilegal iha fronteira no depoisode akontese arguida selu ona taxa liuhusi konta bankaria ministériu públiku.

Prokuradór husu atu presinde testemuña husi Unidade Polísia Fronteira (UPF) no husi parte defeza laiha opsaun seluk. Tanba ne'e tribunál presinde testemuña nia depoimentu husi prosesu refere tanba iha produsaun ba prova arguida konfesa integralmente.

Alegasaun finál

Prokuradór intende katak hahalok arguida prenze duni elementu krime kontrabandu tanba iha produsaun ba prova arguida konfesa ona faktu sira hotu iha akuzasaun, nune'e husu ba tribunál atu aplika pena prizaun tinan rua suspende ba tinan rua tuir artigu 316 KP atu iha futuru arguida labele repete hikas ninia hahalok no ema seluk labele halo tuir.

Enkuantu defeza intende katak iha produsaun ba prova arguida konfesa faktu hotu iha akuzasaun no arrepende ona ba nia hahalok. Defeza reforsa liu tan katak depoisode akontesementu arguida kontinua selu ona taxa ba Estadu liuhusi konta bankaria ministeriu publiku. Arguida iha oan na'in lima no servisu hanesan dona decasa laiha rendimentu fixu kada fulan no arguida mak iha responsabilidade ba iha ninia familia. Tanba ne'e defeza husu ba tribunál atu fo pena ne'ebé adekuadu tuir arguida nia sala.

Desizaun

Depoisde avalia faktu hotu tribunál prova katak arguida transporta sasan hanesan adubu ka pupuk-urena sako rua ilegalmente liuhusi Fronteira Oelulan. Arguida nia hahalok ne'e hamosu prezuiju ba Estadu RDTL lahetan reseitas doméstika tanba arguida laliu husi dalan legal atu selu taxa ba iha diresaun Alfandega.

Bazeia ba faktu provadu hirak ne'e no tetu mós ho sirkunstánsia atenuante sira, nune'e tribunál konklui prosesu ne'e no kondena arguida ho pena prizaun tinan rua suspende ba tinan rua.

30. Krime koasaun seksuál

Nú. Prosesu : 0045/19.OEBCN
Kompozisaun Tribunál : Koletivu
Juis : Dr. Yudi Pamukas
: Dr. Hugo da Cruz Pui
: Dr. Evangelino Belo
Prokuradór : Dr. Pedro Baptista Aleixo Dos Santos
Defeza : Dr. Calisto Tout
Desizaun : Pena prizaun tinan 3 suspende ba tinan 3

Iha 09 Jullu 2021, Tribunál Distritál Oekusi prezide leitura akordaun ba kazu krime koasaun seksuál ne'ebé envolve arguidu SM hasoru lezada BM, iha Distritu Oekusi.

Akuzasaun Prokuradór

Prokuradór akuza katak iha 19 Outubru 2018, maizumenus iha oras tuku 12:30 meiodia, arguidu ba iha lezada nia uma atu hola tua sabu tanba lezada tein hela tua sabu. Kuandu arguidu to'o iha lezada nia fatin tein tua ne'e no arguidu hola tiha botir ida no lezada haruka nia oan mak tau tua no fó ba arguidu, maibé kuandu fó tiha tua refere no arguidu lakohi fila hodi haree tutuir de'it lezada. Depoisde lezada sai husi uma laran ba tau-ai ba tua ne'ebé tein hela hafoin lezada ba tuur hamutuk fali ho lezada nia oan sira. Nune'e arguidu mós ba tuir tuur iha lezada nia oin lori liman rua kaer no buti lezada nia ain tuur karuk no loos, no arguidu kolia ba lezada dehan "*ita na'in rua atu toba mais ladiak, diak liu ita ba hili tiha ai-maran*". Depois arguidu kontinua buti lezada nia kelen no buti mós lezada nia oin-lulik no lezada baku sai tiha arguidu nia liman no lezada kolia ba arguidu dehan "*kuandu lanu ba toba, labele book no kaer hau nia isin hanesan ne'e*" maibé arguidu nafatin tuur, nune'e lezada haruka nia oan mane rasta obriga arguidu lori fila ba ninia uma.

Prokuradór akuza arguidu kontra artigu 171 KP kona-ba krime koasaun seksuál ho moldura penal tinan 3 to'o tinan 10 prizaun.

Produsaun prova sira

Iha julgamentu, arguidu konfesa faktu hotu iha akuzasaun, arrepende nia hahalok. Arguidu ho lezada dame malu ona no arguidu fó ona multa ba lezada ho osan US\$200.00. Altura ne'e tanba arguidu hemu tua mesak ho kondisaun lanu mak lahatene-an hodi halo hahalok hirak ne'e, depoisde akontesementu to'o agora arguidu

lahemu ona no sei laba sosa tan tua iha lezada nia uma no arguidu foin primeiravés mai hatan iha tribunál.

Alende ne'e lezada mós konfirma faktu hotu iha akuzasaun no konfirma mós ho arguidu ninia deklarasaun katak sira di'ak malu ona.

Testemuña JE nu'udar lezada nia oan feto haktuir katak testemuna iha uma laran fó susu hela nia oan no bainhira testemuña sai ba liur haree arguidu komete hela aktu ne'e hasoru lezada.

Alegasaun finál

Prokuradór intende katak arguidu tenta duni atu kaer lezada nia isin parte sensitivu sira hanesan kelen, brasu no lezada nia oin-lulik. Arguidu provadu tanba arguidu iha intensaun atu toba ho lezada ne'ebé iha produsaun ba prova arguidu rasik konfesa mezmu arguidu nia pedidu ne'e lezada la aseita. Prokuradór intende katak krime koasaun seksuál ladun iha koneksaun ba iha arguidu nia hahalok maibé prokuradór haree depoisde iha produsaun ba prova arguidu nia hahalok ne'e besik liu ba tentativa violasaun seksuál. Nune'e prokuradór husu ba tribunál atu fó pena prizaun tinan 3 suspende ba tinan 3.

Entretantu defeza husu ba tribunál atu aplika pena ne'ebé adekuaudu ho konsiderasaun katak iha produsaun ba prova arguidu iha kolaborasaun diak ho tribunál hodi konfesa faktu hotu iha akuzasaun no arrepende nia hahalok perente iha tribunál nia oin. Defeza haktuir tan katak depoisde akontesementu arguidu ho lezada dame malu kedas no arguidu fó multa ba lezada ho osanUS\$200.00, arguidu mak iha responsabilidade ba iha nia familia, idade avansadu ona no foin primeiravés mai hatan iha tribunál.

Desizaun

Tribunál prova katak arguidu nia hahalok ne'e prenze duni elementu krime koasaun seksuál tanba arguidu hola tua maibé aproveita kaer fali lezada ninia isin. Arguidu idade avansadu ona no depoisde akontesementu arguidu mós ho boavontade husu deskulpa no fó multa ba lezada ho valor osanUS\$200.00.

Bazeia ba faktu provadu hirak ne'e hotu no tetu mós ho sirkunstánsia sira hanesan, arguidu konfesa, arrende nia hahalok, di'ak malu ona ho lezada no foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena prizaun tinan tolu suspende ba tinan tolu.

31. Krime kontrabandu

Nú. Prosesu	: 0002/21.OESIC
Kompozisaun Tribunál	: Koletivu
Juis	: Dr. Hugo da Cruz Pui : Dr. Evangelino Belo : Dr. Yudi Pamukas
Prokuradór	: Dr. Pedro Baptista Aleixo dos Santos
Defeza	: Dr. Calisto Tout
Desizaun	: Pena prizaun tinan 2 suspende ba tinan 2

Iha 13 Julu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve arguida Juliana Taec hasoru Estadu RDTL, iha Aldeia Saben, Suku Bobometo, Sub-distritu Oesilo, Distritu Oekusi.

Akuzasaun Prokuradór

Prokuradór akuza katak iha 10 Janeiru 2021, maizumenus iha oras tuku 09:00 dadeer. Arguida transporta sasan hanesan mina gazoel litru 250 husi Indonesia lori tama mai liu husi fronteira-poto ilegalmente. Arguida nia hahalok ne'e hamosu prezuiju ba Estadu RDTL lahetan reseitas doméstika tanba arguida la liuhusi dalan legal hodi selu taxa ba diresaun Alfandega.

Prokuradór akuza arguida kontra artigu 316 KP kona-ba krime kontrabandu ho moldura penál tinan 2 to'o tinan 6 prizaun.

Produsaun ba prova sira

Iha julgamentu, arguida konfesa faktu hotu iha akuzasaun, arrepende nia hahalok, foin primeiravés halo krime no mai hatan iha tribunál no selu ona taxa ba Estadu RDTL liuhusi konta bankaria ministériu públiku, oan na'in haat no arguida hanesan toos na'in laiha rendimentu fiksi kada fulan.

Tribunál presinde testemuña nia depoimentu bazeia ba pedidu husi prokuradór no defeza tanba iha produsaun ba prova arguida konfesa faktu integralmente.

Alegasaun finál

Prokuradór tetu no haree katak hahalok arguida ne'e prenze duni elementu krime kontrabandu tanba iha produsaun prova arguida konfesa faktu integralmente. Prokuradór salienta liután katak ema sira ne'ebé hela iha fronteira mak sempre halo transaksaun ilegal iha fronteira, nune'e husu ba tribunál atu aplika pena prizaun tinan 2 maibé suspende ba tinan 2 atu iha futuru arguida labele repete ninia hahalok no ema seluk labele halo tuir tanba iha RAEOA ba krime kontrabandu barak liu akontese bebeik ona.

Enkuantu defeza husu pena ne'ebe justu tuir arguida nia sala tanba iha produsaun ba prova arguida konfesa integralmente, arrepende nia hahalok, depoisde akontesementu arguida iha kolaborasaun diak ho tribunál no selu ona taxa ba Estadu RDTL liuhusi konta bankaria Ministériu Públiku. Arguida iha oan na'in haat no serbisu hanesan toos na'in laiha rendiemntu fiksi kada fulan no foin primeiravés halo krime No. mai hatan iha tribunál.

Desizaun

Depoisde avalia faktu hotu tribunál prova katak arguida transporta sasan hanesan mina gazoel litru 250 husi Indonesia lori tama mai liu husi fronteira-poto ilegalmente. Arguida nia hahalok ne'e hamosu prezuiju ba Estadu RDTL lahetan reseitas doméstika tanba arguida la liuhusi dalan legal hodi selu taxa ba diresaun Alfandega.

Bazeia ba faktu provadu hirak ne'e no tetu mós ho sirkunstánsia atenuante sira hanesan, arguida konfesa, arrepende nia hahalok, foin primeiravés mai hatan iha tribunál, nune'e tribunál konklui prosesu ne'e no kondena arguida ho pena prizaun tinan rua suspende ba tinan rua.

32. Krime kontrabandu

Nú. Prosesu : 0070/18.OESIC
Kompozisaun Tribunál : Koletivu
Juis : Dr. Hugo da Cruz Pui
: Dr. Evangelino Belo
: Dr. Yudi Pamukas
Prokuradór : Dr. Mateus Nesi
Defeza : Dr. Calisto Tout
Desizaun : Pena prizaun tinan 2 suspende ba tinan 2

Iha 14 Jullu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve arguidu Aleixo dos Santos Afoan no Fredy Caet hasoru Estadu RDTL, iha Aldeia Saben, Suku Bobometo, Sub-distritu Oesilo, Distritu Oekusi.

Akuzasaun Prokuradór

Prokuradór akuza katak iha 01 Maiu 2018, maizumenus iha oras tuku 14:00 lokraik. Arguidu Aleixo hatama mina gasolina litru 500, mina gazoel litru 40 no mina rai litru 60. Enkuantu arguidu Fredy hatama mina gasolina litru 485 no mina gazoel litru 215 iha Fronteira saben liuhusi dalan ilegal. Arguidu sira nia hahalok ne'e hamosu prezuiju ba Estadu RDTL lahetan reseitas doméstika tanba arguidu sira laliu husi dalan legal atu selu taxa ba iha diresaun Alfandega.

Prokuradór akuza arguidu sira kontra artigu 316 KP kona-ba krime kontrabandu ho moldura penál tinan 2 to'o tinan 6 prizaun.

Produsaun ba prova sira

Iha julgamentu, arguidu sira konfesa faktu hotu iha akuzasaun prokuradór no arrepende sira nia hahalok. Arguidu sira deklara katak depoisde akontesementu arguidu sira ho boavontade selu ona taxa liuhusi konta bankaria ministériu públiku no foin primeiravés halo krime no mai hatan iha tribunál. Arguidu sira reforsa liután katak depoisde akontesementu to'o agora arguidu sira lahalo ona transaksaun ilegal iha fronteira. Arguidu Aleixo kaben na'in oan na'in lima no serbisu hanesan toos nain laiha rendimentu fixu kada fulan. Enkuantu arguidu Fredy sei klosan no serbisu hanesan toos na'in laiha rendimentu fixu kada fulan.

Prokuradór husu atu presinde testemuña husi Unidade Polísia Fronteira (UPF) no husi parte defeza laiha opsaun seluk. Tanba ne'e tribunál presinde testemuña nia depoimentu husi prosesu refere tanba iha produsaun ba prova arguidu sira konfesa integralmente.

Alegasaun finál

Prokuradór intende katak hahalok arguidu sira prenze duni elementu krime kontrabandu tuir artigu 316 KP. Nune'e prokuradór laiha duvida tanba iha produsaun ba prova arguidu sira konfesa ona faktu sira hotu iha akuzasaun. Tan ne'e, prokuradór husu ba tribunál atu aplika pena ne'ebé hakerek ona iha artigu 316 KP atu iha futuru arguidu sira labele repete hikas ninia hahalok no ema seluk labele halo tuir.

Enkuantu defeza husu ba tribunál atu aplika pena ne'ebé adekuaudu tuir arguidu sira ninia sala tanba iha produsaun ba prova arguidu sira rasik konfesa faktu hotu iha akuzasaun, arrepende sira nia hahalok, depoisde akontesementu arguidu sira selu ona taxa ba Estadu liuhusi konta bankaria ministériu públiku no arguidu sira promete ona ba tribunál katak sei larepete hikas sira nia hahalok ne'e iha futuru. Arguidu Aleixo kaben na'in oan na'in lima no serbisu hanesan toos nain laiha rendimentu fixu kada fulan. Enkuantu arguidu Fredy sei klosan no serbisu hanesan toos na'in laiha rendimentu fixu kada fulan.

Desizaun

Depoisde avalia faktu hotu tribunál prova katak Arguidu Aleixo hatama mina gazolina litru 500, mina gazoel litru 40 no mina rai litru 60. Enkuantu arguidu Fredy hatama mina gazolina litru 485 no mina gazoel litru 215 iha Fronteira sabén liuhusi dalan ilegal. Arguidu sira nia hahalok ne'e hamosu prezuiju ba Estadu RDTL lahetan reseitas doméstika tanba arguidu sira laliu husi dalan legal atu selu taxa ba iha diresaun Alfandega.

Bazeia ba faktu provadu hirak ne'e no tetu mós ho sirkunstánsia atenuante sira hanesan arguidu sira konfesa, arrepende sira nia hahalok, foin primeiravés mai hatan iha tribunál, nune'e tribunál konklui prosesu ne'e no kondena arguidu na'in rua ho pena prizaun tinan rua suspende ba tinan rua.

33. Krime kontrabandu

Nú. Prosesu	: 0174/20.OESIC
Kompozisaun Tribunál	: Koletivu
Juis	: Dr. Yudi Pamukas : Dr. Hugo da Cruz Pui : Dr. Evangelino Belo
Prokuradór	: Dr. Pedro Baptista Aleixo dos Santos
Defeza	: Dr. Marcelino Marques Coro
Desizaun	: Pena prizaun tinan 3 suspende ba tinan 3

Iha 14 Jullu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve arguida Rosa Colo hasoru Estadu RDTL, iha Aldeia Sabén, Suku Bobometo, Sub-distritu Oesilo, Distritu Oekusi.

Akuzasaun Prokuradór

Prokuradór akuza katak iha 11 Novembru 2020, maizumenus iha oras tuku 18:00 lokraik. Arguida transporta sasan hanesan mina gazolina litru 100. Arguida nia hahalok

ne'e hamosu prezuiju ba Estadu RDTL lahetan reseitas doméstika tanba arguida laliu husi dalan legal atu selu taxa ba iha diresaun Alfandega.

Prokuradór akuza arguida kontra artigu 316 KP kona-ba krime kontrabandu ho moldura penál tinan 2 to'o tinan 6 prizaun.

Produsaun ba prova sira

Iha julgamentu, arguidu konfesa hotu faktu sira iha akuzasaun no arrepende nia hahalok. Arguida deklarata tan katak foin primeiravés halo krime no mai hatan iha tribunál, depoisde akontesementu ne'e arguida selu ona taxa liuhusi konta bankaria ministériu públiku.

Prokuradór husu atu presinde testemuña husi Unidade Polísia fronteira (UPF) no husi parte defeza laiha opsaun seluk. Tanba ne'e tribunál presinde testemuña nia depoimentu husi prosesu refere tanba iha produsaun ba prova arguida konfesa integralmente.

Alegasaun finál

Prokuradór intende katak hahalok arguida prense duni elementu krime kontrabandu tanba iha produsaun ba prova arguida konfesa ona faktu sira hotu iha akuzasaun. Tan ne'e, prokuradór husu ba tribunál atu aplika pena prizaun tinan rua suspende ba tinan rua tuir artigu 316 KP atu iha futuru arguida labele repete hikas ninia hahalok no ema seluk labele halo tuir.

Enkuantu defeza intende katak iha produsaun ba prova arguida konfesa faktu hotu iha akuzasaun no arrepende nia hahalok. Defeza salienta liután katak depoisde akontesementu arguida kontinua selu ona taxa ba Estadu liuhusi konta bankaria ministériu públiku, tanba ne'e defeza husu ba tribunál atu fo pena ne'ebé kmaan tuir arguida nia sala.

Desizaun

Depoisde avalia faktu hotu tribunál prova katak Arguida transporta sasan hanesan mina gasolina litru 100. Arguida nia hahalok ne'e hamosu prezuiju ba Estadu RDTL lahetan reseitas doméstika tanba arguida laliu husi dalan legal atu selu taxa ba iha diresaun Alfandega.

Bazeia ba faktu provadu sira ne'e no tetu mós ho sirkunstánsia atenuante sira hotu, tribunál konklui prosesu ne'e no kondena arguida ho pena prizaun tinan tolu suspende ba tinan tolu.

34. Krime kontrabandu

Nú. Prosesu : 0122/18.OESIC
Kompozisaun Tribunál : Koletivu
Juis : Dr. Hugo da Cruz Pui
: Dr. Evangelino Belo

Prokuradór : Dr. Yudi Pamukas
Defeza : Dr. Mateus Nesi
Desizaun : Dr. Marcelino Marques Coro
: Pena prizaun tinan 2 suspende ba tinan 2

Iha 15 Jullu 2021, Tribunál Distritál Oekusi prezide leitura akordaun ba kazu krime kontrabandu ne'ebé envolve arguidu Antonio Colo hasoru Estadu RDTL, iha Aldeia Usapikolen, Suku Bobometo, Sub-distritu Oesilo, Distritu Oekusi.

Akuzasaun Prokuradór

Prokuradór akuza katak iha 20 Jullu 2018, maizumenus iha oras tuku 19:30 lokraik. Arguidu transporta sasan merkadoria nian hanesan, raga taka hahan 12, termos bo'ot 12, buli masa bo'ot 12, buli masa ki'ik 12, fatin rai osan/celengan 12, ai-sar/sapu ijuk 24, kabas futun 26, toples 6, hanger/gantungan 24, vazo ai-funan bo'ot no ki'ik 24, valde ki'ik 12, fugaun 1 no sanan bo'ot 1 iha fronteira Usapikolens liuhusi dalan ilegal. Arguidu nia hahalok ne'e hamosu prezuiju ba Estadu RDTL lahetan reseitas doméstika tanba arguidu laliu husi dalan legal atu selu taxa ba iha diresaun Alfandega.

Prokuradór akuza arguidu kontra artigu 316 KP kona-ba krime kontrabandu ho moldura penál tinan 2 to'o tinan 6 prizaun.

Produsaun ba prova sira

Iha julgamentu, arguidu konfesa faktu hotu iha akuzasaun, arrepende nia hahalok. Arguidu deklara tan katak depoisde akontese arguidu selu ona taxa liuhusi Alfandega no foin primeiravés halo krime no mai hatan iha tribunál. Arguidu reforsa liután katak depoisde akontesementu to'o agora arguidu lahalo ona transaksaun ilegal iha fronteira, arguidu iha oan na'in haat, servibu hanesan toos na'in laiha rendimentu fixu kada fulan.

Prokuradór husu atu presinde testemuña husi Unidade Polísia Fronteira (UPF) no husi parte defeza laiha opsaun seluk. Tanba ne'e tribunál presinde testemuña nia depoimentu husi prosesu refere tanba iha produsaun ba prova arguidu konfesa faktu hotu iha akuzasaun.

Alegasaun finál

Prokuradór intende katak hahalok arguidu prenze duni elementu krime kontrabandu tanba iha produsaun ba prova arguidu konfesa ona faktu sira hotu iha akuzasaun. Tan ne'e, prokuradór husu ba tribunál atu aplika pena ne'ebé hakerek ona iha artigu 316 KP atu iha futuru arguidu labele repete hikas ninia hahalok no ema seluk labele halo tuir.

Enkuantu defeza akresenta katak iha produsaun ba prova arguidu rasik konfesa faktu hotu iha akuzasaun no arrepende nia hahalok. Defeza reforsa katak depoisde akontesementu arguidu selu ona taxa ba Estadu liuhusi diresaun Alfandega, arguida iha oan na'in haat, serbisu hanesan toos nain laiha rendimentu fixu kada fulan no arguidu mak iha responsabilidade ba iha ninia família. Tanba ne'e defeza husu ba tribunál atu f ópena ne'ebé justu ba arguidu.

Desizaun

Depoisde avalia faktu hotu tribunál prova katak arguidu transporta sasan merkadoria nian hanesan, raga taka hahan 12, termos bo'ot 12, buli masa bo'ot 12, buli masa ki'ik 12, fatin rai osan/celengan 12, ai-sar/sapu ijuk 24, kabas futun 26, toples 6, hanger/gantungan 24, vazo ai-funan bo'ot no ki'ik 24, valde ki'ik 12, fugaun 1 no sanan bo'ot 1 iha fronteira Usapikolens liuhusi dalan ilegal. Arguidu nia hahalok ne'e hamosu prezuiju ba Estadu RDTL lahetan reseitas doméstika tanba arguidu laliu husi dalan legal atu selu taxa ba iha diresaun Alfandega.

Bazeia ba faktu provadu hirak ne'e no tetu mós ho sirkunstánsia atenuante sira hanesan arguidu konfesa, arrepende nia hahalok, foin primeiravés komete krime no mai hatan iha tribunál, nune'e tribunál konklui prosesu ne'e no kondena arguidu ho pena prizaun tinan rua suspende ba tinan rua.

35. Krime koasaun seksuál

Nú. Prosesu	: 0008/19.OEOSL
Kompozisaun Tribunál	: Koletivu
Juis	: Dr. Yudi Pamukas : Dr. Hugo da Cruz Pui : Dr. Evangelino Belo
Prokuradór	: Dr. Mateus Nesi
Defeza	: Dr. Calisto Tout
Desizaun	: Pena prizaun tinan 3 suspende ba tinan 3

Iha 16 Jullu 2021, Tribunál Distritál Oekusi prezide leitura akordaun ba kazu krime koasaun seksuál ne'ebé envolve arguidu AC hasoru lezada DT (idade tinan 13), iha Distritu Oekusi.

Akuzasaun Prokuradór

Prokuradór akuza katak iha 15 Maiu 2019, maizumenus iha oras tuku 11:00 meiodia, arguidu ho lezada iha eskola laran, arguidu kaer lezada nia susun parte loos kauza lezada sente moe.

Prokuradór akuza arguidu kontra artigu 171 KP kona-ba krime koasaun seksuál ho moldura penal tinan 3 to'o tinan 10 prizaun.

Produsaun prova sira

Iha julgamentu, arguidu hili direitu nonook. Entretantu lezada kontinua konfirma faktu sira hotu iha akuzasaun no deklara katak lezada sente moe ba arguidu no ba publiku liuliu ba ninia kolega sira. Lezada haktuir tan katak depoisde akontesimentu ne'e sira rezolve ona problema ne'e no arguidu fó fali tais feto ida no osan US\$100.00, ba lezada nia família.

Alegasaun finál

Prokuradór intende katak nia hahalok ne'e provadu no preense duni elementu krime koasaun seksuál mezmu iha produsaun ba prova arguidu rasik hili direitu nonook.

Prokuradór hanoin katak atetude estudante ida hanesan ne'e lamerese liu atu akontese liu-liu pratika fali aktu ne'e iha eskritoriu eskola liuliu iha sala laran. Tanba ne'e prokuradór husu ba tribunál atu aplika pena ne'ebé hakerek ona iha artigu 171 KP atu futuru arguidu labele repete hikas nia hahalok no ema seluk labele halo tuir.

Entretantu defeza husu ba tribunál atu fó pena ne'ebé kmaan ba arguidu, ho konsiderasaun katak kazu ne'e sira rezolve ona tuir kultura timor nian.

Desizaun

Depoisde avalia faktu hotu tribunál prova katak arguidu ho lezada iha eskola laran, arguidu kaer lezada nia susun parte loos kauza lezada sente moe.

Bazeia ba faktu provadu hirak ne'e no tetu mós ho sirkunstánsia atenuante sira hanesan sira di'ak malu ona, nune'e tribunál konklui prosesu ne'e no kondena arguidu ho pena prizaun tinan tolu ba tinan tolu.

36. Krime ofensa ba integridade física simples ho natureza violéncia doméstika

Nú. Prosesu : 0022/21.OEPMK
Kompozisaun Tribunál : Singulár
Juis : Dr. Hugo da Cruz Pui
Prokuradór : Dr. Pedro Baptista Aleixo dos Santos
Defeza : Dr. Calisto Tout
Desizaun : Pena prizaun tinan 1 fulan 6 suspende ba tinan 2

Iha 23 Jullu 2021, Tribunál Distritál Oekusi prezide julgamentu ba kazu krime ofensa ba integridade física simples ho natureza violéncia doméstika ne'ebé envolve arguidu AB hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 14 Marsu 2021, maizumenus iha oras tuku 08:00 dadeer, arguidu basa dala tolu iha lezada nia hasan parte karuk, rakut lezada nia fu'uk kauza lezada monu ba rai, arguidu kontinua rasta lezada no uza tan tali plastik baku hodi baku dala barak iha lezada nia kotuk laran. Aktu ne'e rezulta lezada sofre moras no bubu. Kazu ne'e aneksa hamutuk ho relatóriu médiku husi Pradet no fotografia hasai husi polísia.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa faktu hotu iha akuzasaun no depoisde akontesementu arguidu ho lezada dame malu kedas no arrepende nia hahalok. Arguidu haktuir tan katak foin primeiravés halo krime no mai hatan iha tribunál no promete sei larepete hikas ninia hahalok hasoru lezada ka ema seluk iha futuru. Arguidu serbisu hanesan

toos na'in laiha rendimentu fixu kada fulan, iha oan na'in tolu no arguidu mak iha responsabilidade ba iha nia familia.

Enkuantu lezada konfirma faktu sira hotu iha akuzasaun no deklara mos katak depoisde akontesementu arguidu ho lezada dame malu kedas.

Alegasaun final

Prokurador intende katak arguidu nia hahalok ne'e prenze duni elementu krime ofensa ba integridade fizika simples ho natureza violensia domestika tanba durante iha produsaun ba prova arguidu rasik konfesa integralmente ba faktu sira hotu iha akuzasaun. Tanba ne'e, prokurador laiha duvida ho aktu ne'ebé hakerek ona iha akuzasaun, nune'e husu ba tribunál atu aplika pena prizaun tinan tinan 1 suspende ba tinan 1 fulan 6.

Entretantu defeza husu ba tribunál atu fó pena ne'ebé justu ba arguidu, ho konsiderasaun sira katak, arguidu konfesa, arrepende nia hahalok no d'ak malu ona ho lezada no foin primeravés mai hatan iha tribunál.

Desizaun

Depoisde avalia faktu hotu tribunál prova katak arguidu basa dala tolu iha lezada nia hasan parte karuk, rakut lezada nia fu'uk kauza lezada monu ba rai, arguidu kontinua rasta lezada no uza tan tali plastik baku hodi baku dala barak iha lezada nia kotuk laran.

Bazeia ba faktu provadu hirak ne'e no tetu mos ho sirkunstansia atenuante sira hanesan arguidu konfesa, arrepende nia hahalok di'ak malu ona ho lezada foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena prizaun tinan ida fulan neen suspende ba tinan rua.

37. Krime ofensa ba integridade fizika simples ho natureza violensia domestika

Nú. Prosesu : 0001/21.OEOSL
Kompozisaun Tribunál : Singulár
Juis : Dr. Hugo da Cruz Pui
Prokurador : Dr. Pedro Baptista Aleixo dos Santos
Defeza : Sr. Paulo Nunes (Pessoa indonia)
Desizaun : Pena prizaun tinan 1 suspende ba tinan 1

Iha 30 Jullu 2021, Tribunál Distritál Oekusi prezide leitura sentensa ba kazu krime ofensa ba integridade fizika simples ho natureza violensia domestika ne'ebé envolve husi arguidu YS hasoru nia feen, iha Distritu Oekusi.

Akuzasaun Prokurador

Prokurador akuza katak iha 21 Feveireiru 2021, maizumenus iha oras tuku 24:00 kalan, arguidu tebe dala haat iha lezada nia kotuk laran, tuku dala rua iha lezada nia kanuruk no kontinua tebe dala rua iha lezada nia hirus matan no buti tan dala ida iha lezada nia kakorok rezulta lezada sofre moras. Antes agresaun ne'e, arguidu ho lezada diskute malu kona-ba bainhira arguidu fila husi festa ho kondisaun lanu, nune'e mosu agresaun

hirak ne'e. Kazu ne'e aneksa hamutuk ho relatóriu médiku husi Sentru Saúde Oesilo no fotografia hasai husi polísia.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa faktu hotu iha akuzasaun no depoisde akontesementu arguidu ho lezada dame malu kedas, arrepende nia hahalok. Arguidu iha oan na'in neen no servisu hanesan motorista ho rendimentu kada fulan US\$204.00. Arguidu foin primeiravés mai hatan iha tribunál no promete sei larepete hikas hahalok ne'e hasoru lezada ka ema seluk iha futuru.

Alende ne'e lezada kontinua konfirma faktu sira hotu iha akuzasaun no depoisde akontesementu arguidu ho lezada dame malu kedas.

Alegasaun finál

Prokuradór intende katak arguidu nia hahalok ne'e preense duni elementu krime ofensa ba integridade fízika simples ho natureza violénsia doméstika tanba durante iha produsaun ba prova arguidu rasik konfesa integralmente ba faktu sira hotu iha akuzasaun. Tanba ne'e, prokuradór laiha duvida ho aktu ne'ebé hakerek ona iha akuzasaun, nune'e husu ba tribunál atu aplika pena prizaun tinan 2 suspende ba tinan 2.

Entretantu defeza intende katak durante iha produsaun ba prova arguidu iha komportamentu ne'ebé diak hodi kolabora ho tribunál no konfesa integralmente ba faktu sira hotu iha akuzasaun, arrepende nia hahalok, di'ak malu ona ho lezada, foin primeiravés mai hatan iha tribunál no promete sei larepete hikas hahalok ne'e hasoru lezada ka ema seluk iha futuru no arguidu mak iha responsabilidade maximu ba iha ninia família. Tanba ne'e husu ba tribunál atu aplika pena ne'ebé adekuadu tuir arguidu ninia sala.

Desizaun

Depoisde avalia faktu hotu tribunál prova katak arguidu tebe dala haat iha lezada nia kotuk laran, tuku dala rua iha lezada nia kanuruk no kontinua tebe dala rua iha lezada nia hirus matan no buti tan dala ida iha lezada nia kakorok rezulta lezada sofre moras.

Bazeia ba faktu provadu hirak ne'e no tetu mós ho sirkunstánsia atenuante sira hanesan arguidu konfesa, arrepende nia hahalok, di'ak malu ona ho lezada, foin primeiravés komete krime no mai hatan iha tribunál no promete sei la komete tan krime hanesan iha futuru, nune'e tribunál konklui prosesu ne'e no kondena arguidu ho pena prizaun tinan ida suspende ba tinan ida.

Atu hetan informasaun kompleitu, favór kontaktu:

Ana Paula Marçal

Diretora Ezekutiva JSMP

Diresaun e-mail: ana@jsmp.tl
Telephone: (+670) 33238883 | 77040735
Website: <https://jsmp.tl>
info@jsmp.tl